

WANTU

NIUSPEPA BILONG OL PAPUA NIUGINI STRET

Ernst & Young audited/
circulation 15,177

36 pes

Namba 1017

Wik i stat long Fonde Desemba 23, 1993.

40 toea

ATORITI GLASIM GEN OL FORES PROJEK ...olgeta lain mas bihainim agrimen

GODFRIED NIAKA i raitim

FORES Atoriti aninit long nupela Nesenel Forestri Developmen Gaid-lain (NFDG) em Nesenel Eksekutiv Kaunsil i bin tok orait long en, bai lukluk na glasim gen olgeta forestri projek insait long kantri.

Dispela wok bilong glasim gen ol forestri projek i no inap karamapim ol forestri projek insait long kantri em ol i kisim tok orait aninit long timba atoriti bilong wok.

Fores Atoriti bai sekim gen ol projek long tupela hap.

Long namba wan hap, Fores Atoriti bai sekim na glasim olgeta pepa wok na rekot bilong wan wan forestri projek. Dispela em long painimaut sapos dispela ol projek i bin kisim tok orait long wok long stretpela rot.

Na tu long painimaut sapos ol dispela projek i bin na tu i wok long bihainim wanem samting i stap long projek agrimen.

Narapela samting em i olsem ol wokman bilong Fores Atoriti bai go raun long ol ples i gat projek. Na ol bai lukluk na sekap sapos ol kampani i bihainim wanem samting ol i tok long mekim em i stap long agrimen.

Sapos ol wokman bilong Fores Atoriti i painim olsem i gat sampela paul pasin i bin kamap na tu sapos ol kampani i no bihainim lo, Minista bilong Fores o Bod bai givim mekim save long ol kampani husat i mekim rong.

Tupela mekim save Minista bilong Fores o Bod i ken givim em: (1) rausim permit o laisens bilong dispela i go moa long pes 18



Kamon tromoi lek nau... i luk olsem lek bilong Praim Minista Paia Wingti i mas meknais liklik long kain kral bilong mambu em ol boi bilong Madang Resort Entertainers long Madang i kamapim. Olsem na em i surik i kam klostu bilong lukim. Mista Wingti na ol lain bilong em i bin go limlimbur long las wiken. Foto: Ber. Taumai.

Traibunel bai sekim memba bilong Angoram

PABLIK Prosekuta i raitim na givim pinis wanpela pas i go long

Sief Jastis Sir Arnold Amet long Mande bilong makim wanpela

traibunel bilong sekim wanpela ripot olsem memba bilong Angoram, Philip Laki i no yusim gut mani bilong gavman.

Long opis bilong sief jastis, ol i tok i no long-taim bai ol i makim dispela traibunel.

Dispela traibunel bai stat long harim ol dispela toktok long stat bilong mun Januero o Februero long neks yia.

Insait long dispela traibunel, bai i gat wanpela sinia jas bilong Nesenel na Suprim Kot, wantaim tupela sinia mejistret bilong ol Distrik Kot.

O m b u d s m e n Komisen i tokim Mista Laki long sanap long ai bilong Pablik Pros-

ekyuta long kot long Novemba 23.

Dispela wok painimaut i kisim olsem wan mun olgeta bihain long leta i go long Sief Jastis long makim traibunel. Long wanem wok i kisim longpela taim long pinisim ol dispela sas egensim memba bilong Angoram.

Dispela hap pepa i karim ol sas bai i mas i go pastaim long Pablik Prosekuta na bihain ol i ken mekim stretpela wok long makim traibunel.

Dispela pas bilong Ombudsmen Komisen long November 23 i tok olsem ol i tok orait long wok painimaut bilong ol.

Is Sepik baset bilong 1994 brukim rekot

MARLENE ALMAN i raitim

IS SEPIK provinsal gavman i oraitim pinis provinsal baset bilong em bilong narapela yia long las wok.

Dispela em i namba wan provinsal baset bihain long nesenel gavman i rausim sapsens bilong provinsal gavman long mun Jun long dispela yia. Na tu em i namba wan provinsal baset i kam aninit long gavman bilong Primia Alex Anisi.

Pastaim long gavman bilong Primia Anisi i brukim baset, ol i luksave olsem planti samting long provins i

bagarap. Olsem na taim ol i brukim baset, ol i putim bikipela mani i go long stretim ol dispela samting.

Narapela bikipela samting i olsem gavman bilong Primia Anisi i brukim rekot long histori bilong Is Sepik provinsal gavman na putim mani i go long wan wan distrik. Dispela mani bai sapotim ol ekstensen sevis long ol distrik na tu long opis bilong distrik seketeri.

Anisi i tok sapos olgeta samting i ran gut, provinsal gavman bai skelim bikipela mani i go long ol distrik long taim bihain.

Gavman bilong Primia Anisi

i makim olsem long narapela yia, provinsal gavman bai wokim mak bilong mani inap long K5,744,800. Dispela em i mak bilong mani bilong provinsal baset bilong narapela yia.

Long wankain taim gavman bilong Anisi i makim olsem long narapela yia mani, provinsal gavman bai kisim olsem intenel revenu bai winim bilong dispela yia.

Long dispela yia provinsal gavman i kisim K1,970,000. Provinsal gavman i bilip olsem long narapela yia ol bai kisim K1,165,600 antap long mak bilong mani bilong intenel revenu bilong dispela

yia.

Dispela long wanem Primia Anisi i tok provinsal gavman bai apim sels takis bilong bia na tu bai apim fi bilong laisens bilong salim bia. Tupela arapela rot provinsal gavman bai kisim mani em long loteri fi na kot fain fi. Provinsal gavman bai kisim mani tu long riteil sels, sevis takis, smok takis na tu ol arapela takis fi.

Gavman bilong Anisi i wokim wanpela disisen tu long katim daun divisinel operesenel kos long provinsal hetkwata. Na bai givim putim bikipela mani i go long i go moa long pes 18

NAMBawan TRAKTA LONG PNG

Massey-Ferguson i gat planti kain kain trakta. I gat liklik MF 1020 i save mekim wok insait long ol gaden na fam. Na i gat planti arapela kain trakta tu i go inap long bikipela trakta tru em MF 390. Dispela MF 390 inap pulim ol kain kain samting o tanim graun insait long fam. Em i gat 83hp ensin.

YU LAIK SAVE MOA LONG OL DISPELA SAMTING RINIM DISPELA SAVE MAN



GRAHAM FLEMING
FIELD SALES MANAGER
PH 421215 FAX 422463
TELEX NE42432
PO BOX 3182 LAE.

Ela Motors

EM-688

Ol ripot bilong Bogenvil ailan long dispela wik

Ol kea senta sot long K1.4 milien

MOA long 110 tausen pipel bilong Not Solomons provins nau i stap aninit long lukaut bilong gavman.

Na narapela 50 tausen i stap yet aninit long lukaut bilong ol lain bilong Bogenvil revolusineri Ami (BRA). Namel long dispela namba tu em ol meri na pikinini.

Edministreta bilong Not Solomons, Sam Tulo i tok dispela i soim olsem bikipela wok gavman i mekim bilong bringim bel isi na gutpela sindaun i go gen long ailan i wok long karim gutpela kaikai tru.

Tasol em i tok dispela i no min olsem olgeta hap i orait bilong wokabaut na raun nabaut. Bikos kain kain birua inap kamap yet.

Ol ripot i kam long Bogenvil

ailan i tokaut tu olsem planti pipel i wok long ranawe lusim kem bilong ol BRA na go long ol gavman kea senta. Na dispela i soim olsem han na wok bilong gavman i kamap gut tru.

Stat long 1991 i kam inap nau, gavman i kirapim na ranim pinis 33 kea senta long ailan. Long ol dispela kea senta i gat 35,261 man, meri na pikinini.

Mista Tulo i tok, "Ol dispela lain i stap aninit long han bilong BRA i wok long kisim bikipela taim. Olsem na planti pipel olsem ol pikinini na meri na ol lapun i wok long dai nabaut long hangre."

Em i tokaut tu olsem ol dispela lain husat i kamap na givim ol yet long han bilong ol gavman opisa long Buka i

tokaut pinis long kain mekim save em ol i save kisim long han bilong BRA. Long dispela as, ol i bin askim tu gavman long painim rot hariap bilong stretim ol dispela samting.

Long ol ripot i stap, gavman i makim na givim pinis K1 milien long mun Septemba bilong lukautim ol pipel long ol kea senta.

Tasol Mista Tulo i tokaut olsem dispela mani i pinis. Na ol i laikim nau narapela K1.4 milien bilong baim ol kaikai samting bilong lukautim ol pipel long ol 33 kea senta bilong gavman inap long dispela yia i pinis.

Em i skruim toktok olsem bikos i no gat inap mani, edministresen bilong Not Solomons i tilim gen

K300,000 mani bilong Projek Implimentesen Progrem (PIP) Fan i go long baim kaikai bilong ol pipel.

PIP i bin kisim tasol K749,000 long dispela yia, olsem na sampela projek bilong PIP nau i no inap long kamap.

"Mipela i gat bikipela hevi nau, bikos moa man, meri na pikinini i wok long lusim kem bilong ol BRA na kam kamap long ol gavman kea senta. Olsem na gavman i mas skelim dispela hevi na stretim hariap," Mista Tulo i tok.

Edministreta i tokaut tu olsem planti pipel i wok long toktok nabaut olsem ol wok kamap i no go het gut tumas long ailan. Tasol maski dispela i tru, em i tok olgeta i mas luksave olsem i gat tupela bikipela wok bilong mekim i stap.

Namba wan em bilong lukautim sekyuriti na ol pipel bilong ailan na namba tu em bilong bringim ol sevis i go bek long ailan. Olsem na bel isi na gutpela sindaun inap kamap gen.

Long strongim olgeta toktok bilong em, Mista Tulo i tok i gat wanpela rot tasol bilong stretim gen olgeta samting. Na dispela em ol lain bilong BRA i mas lusim nau ol samting bilong ol bilong pait. Sapos nogat, em bai nogat yet.

Tasol long olgeta samting, Mista Tulo i givim bikipela tok amamas bilong em i go long ol lain memba bilong sekyuriti fos long ailan. Bikos ol dispela lain i bin mekim bikipela wok tru i kam inap nau.

Olsem na em i askim tu gavman long baim na stretim pe



MOSBI, Nesanel Kapitel Distrik: Ol i painim pinis tupela pikinini husat i bin lus long Mosbi siti long dispela wik.

Wanpela em pikinini man husat i gat 4-pela krismas na em i save stap wantaim famili bilong em long Erima. Em i bin lus long las Sande moning bihain long em i bihainim papa bilong em i go lotu long Faiv Mail.

Konstebol David Parek bilong Waigani plis stesin i tok ol i bin painim boi ya long Mande nait na kisim em i go long famili bilong em.

Long wankain taim tu, ol i painim pinis wanpela liklik meri bilong Hula long Sentrel provins husat i bin lus long Desemba 8.

Nem bilong liklik meri ya em Leka Aoku husat i gat 5-pela krismas. Ol i painim em i stap orait tasol long Morata, wanpela wik bihain long em i lus.

Em i bin lus long taim em i wetim bikipela susa bilong em long Badili klinik.

HAGEN, Westen Hailans: Ol plis i painim bodi bilong wanpela man husat i dai pinis insait long Maranbal kopi plantesin long Westen Hailans provins.

Bos bilong plis long Westen Hailans, Sief Inspekta John Wakon i tok olsem wanpela ka bilong ol Simbu plis i bin ron na kilim dispela man long dispela wik Mande. Plis ka yet i bin tromoi bodi bilong dispela man long Maranbai opi plantesin.

Olsem na long bekim dispela birua, ol hauslain bilong dispela man i bin banisim Okuk Haiwe long Tunde bilong traim kisim ol gavman ka bilong Simbu provins. Tasol Mista Wakon i bin tokim ol long rausim rotblok bikos ol i nogat tok orait bilong banisim rot.

Long wankain taim tu, paia i bin kukum Muglamp distrik opis long Westen Hailans long Mande nait. Insait long dispela haus i gat opis bilong Provinsal Afeas, Dipatmen bilong Pramerai Industri na ol provinsal dipatmen. Olgeta pepa bilong wok tu i bin lus long dispela paia.

Mista Wakon i tok paia i bin stat yet long insait bilong haus.

NAMATANAI, Nu Ailan: Namatanai Distrik Kot i wok long painim wanpela man husat i ranawe long han bilong plis long las wik. Nem bilong dispela man em Liva Yondo na em i bilong ples Kombong long Madang provins.

Yondo i bin wok long wetim kot bilong em long Fraide las wik long sas bilong stil wantaim gan long Bopire plantesin long Novemba 18.

Plis long Kavieng i bin kisim Yondo wantaim ol narapela kalabus i go long Namatanai haus kalabus long taim em i ranawe.

Plis i tok ol i bin stop long rot bilong senisim taia bilong ka taim Yondo i ranawe.

Wanpela narapela kalabus man tu i bin ranawe long Namatanai haus kalabus long las wik Fonde nait bihain long em i rausim wanpela hap ain long sel.

Nem bilong man ya em John Takai Kes Alap na em i bilong Simbai long Madang provins. Alap i bin wetim kot bilong em long Fraide long sas bilong brukim lo long paitim man wantaim nogat gutpela as. Em i bin ranawe tu long Keravat haus kalabus insait long is Nu Briten provins taim em i bin stap long taim kot i painim em i rong long brukim haus na stil.


MOSBI, Nesanel Kapitel Distrik: Plis long Mosbi i holim pinis wanpela man Pindiu long Morobe provins husat ol i wok long painim long sampela taim nau. Man ya i bin bagarapim wanpela meri Japan long Gerehu long mun Mas bilong dispela yia.

Plis long Waigani i lukim em long Morata na ol i bin ronim na holim em long 8 mail setelmen klostu long Moitaka pawa stesin.

Ektung plis bos long Mosbi, George Buka i tok olsem plis i wok long askim tu dispela man long ol sampela arapela rong em i bin mekim.

Ol plis long Mosbi i painim pinis sampela gan na katres long taim ol lain man nogut i ranawe na lusim ol. Ol man nogut i bin stilim ka na ol arapela samting.

Long wankain taim tu, plis bai sasim tupela man husat i stap nau long Mosbi haus sik. Tupela i go long haus sik long ol bagarap em ol i kisim bihain long plis i ronim ol na ka bilong ol i kapsait.



• Wanpela famili long hap bilong Inus i malolo na sindaun isi nau i stap long Wakunai kea senta. Ol i bin ranawe long ol lain BRA na go stap long hap. Foto: Aloysius Sami.

Red Cross tilim Krismas presen long ol kea senta

ALOYSIUS SAMI i raitim

OL wokman na meri bilong Red Cross long Bogenvil i bin limlimbur liklik i go long sampela hap bilong ailan na givim kain kain presen long ol pikinini na ol sikman long hap.

Red Cross i mekim dispela bilong tingim na amamasim Krismas wantaim ol pipel bilong Not Solomons husat i kisim taim nau long ol hevi bilong ailan. Long Mande, opisa

bilong Red Cross long Wakunai, Pauline Onsa wantaim tupela opisa bilong Intanesel Red Cross Federesen long Jiniva, John Lynch wantaim Nonny Jans na tupela wokman bilong provinsal kea senta edministresen i bin go long Sohanu

haus sik na givim presen long ol sikman na pikinini long hap.

Meri husat i winim resis bilong Mis PNG long dispela yia, Sharon Onsa tu i bin go wantaim ol. Long wokabaut bilong ol, ol i bin tilim ol marasin na bras bilong klinim tit,

sop, twistis na ol loli samting wantaim ol arapela liklik presen nabaut.

Ol pikinini bilong ol kea senta long Arawa, Siwai na Nagovis i bin kisim ol presen long las wik. Tasol Misis Onsa i no bin inap go long ol kea senta long hap bilong Buin.

Kot rausim sas bilong papa bagarapim pikinini meri

ALOYSIUS SAMI i raitim

WANPela man i bin kamap long ai bilong Nesanel Kot long Buka long sas bilong bagarapim pikinini meri bilong em. Meri i gat 16 krismas tasol.

Kot bilong Paul Pakits i bin kamap long 1 Desemba, 1993.

Pastaim long dispela, Mista Pakits i bin kamap long Distrik Kot long 24 Ogas, 1993. Tasol kot i putim em i go long Nesanel Kot bikos dispela hevi i bikipela tuman. Em i kam aninit long Kriminel Ekt bilong PNG.

Kot ripot i tok olsem Mista Pakits i bilong ples Lemankoa long hap bilong Buka yet.

Long taim Nesanel Kot i sindaun, plis i bin bringim tu ol arapela witness long ai bilong kot wantaim ripot bilong dokta.

Nesanel Kot jas long dispela taim i skelim tu ripot

bilong dokta na i painimaut olsem i no gat bikipela sua o bagarap long skin bilong meri. Long wankain taim, em i painimaut tu olsem dispela meri i wok long kamap bikipela meri nau.

Kot i harim olsem stat long 1990, Mista Pakits i bin stat mekim dispela kain pasin i no stret long holim susu na hap tambu bilong pikinini meri bilong em. Orait namel long 1990 na 1993, em i bin traim long slip wantaim na paitim pikinini meri bilong em.

Long dispela taim i kam inap nau, yangpela meri ya i no bin tokim mama o ol susa bilong em. Kot i painimaut olsem em i bin tokim tasol wanpela kasen brata bilong em.

Meri i tokim kot tu olsem em i no bin tokim mama o ol susa bilong em bikos em i sem.

Olsem na bihain long kot i skelim olgeta samting, em i rausim sas bilong Mista Pakits na givim em bek K100 beil mani bilong em.

Em i tok planti pikinini i no save wanem samting tru em i loli na twisti. Olsem na em yet i mas soim ol long wanem samting bilong mekim. Bikos ol mama i karim planti long taim bilong hevi na ol i no save long ol dispela samting.

Misis Onsa i tok tu olsem planti pipel long Sentrel Bogenvil i wok long ranawe lusim bus na go long Arawa kea senta. Na ol i sot tru long ol klos, tasol Red Cross i wok strong yet long helpim ol wantaim ol dispela samting.

CIS Komisina mekim save nau bihainim ripot

GODFRIED NIAKA i raitim

KOMISIINA bilong Koreksenal Institusen Sevis (CIS), Sam Nuakona i saspem pinis wanpela Ekting Deputi Komisina long Dipatmen bilong CIS. Dispela Ekting Deputi Komisina Mista Nuakona i saspem em Michael Mondia. Komisina Nuakona i saspem Ekting Deputi Komisina Mondia long las wik.

Wanpela opisa long Dipatmen bilong CIS i tokim Wantok Niuspepa olsem Komisina Nuakona i saspem Mista Mondia bihainim tupela stori i bin kamap long tupela niuspepa long tupela wik i go pinis. Namba wan stori i bin kamap long Wantok Niuspepa long namba 2 de bilong dispela mun (Disemba). Dispela stori i bin tokaut olsem sampela sinia opisa insait long

CIS dipatmen i wok long yusim mani kran- gi. Wanpela bilong ol dispela sinia opisa em Ekting Deputi Komisina Michael Mondia. Stori ya i bin tok olsem rekot i stap long opis i soim olsem Mista Mondia i bin yusim K5,900 bilong CIS dipatmen long baim praivet telipon bilong em. Dispela namba wan stori i bin tok olsem ol wokman bilong Komunikesen Seksen long

dipatmen i spenim dispela K5,900 long baim telipon bilong Mista Mondia. Ol dispela lain wokman i bihainim tasol toktok bilong Mondia na spenim dispela mani long baim telipon bilong em. Namba tu stori i bin kamap long nupela niuspepa The National long namba 9 de bilong dispela mun (Disemba). Dispela stori i tok wanpela wok sekap i

mas kamap long CIS dipatmen. Bikos i gat bilip i stap olsem pasin bilong mekim pasin nogut wantaim ol meri i stap insait long CIS dipatmen. Dispela askim bilong putim kamap wok sekap i bin kam long Presiden bilong Asosien bilong ol wokmanmeri bilong CIS, Simon Sobaim. Dispela opisa long CIS dipatmen i tok Komisina Nuakona i saspem pinis Mista

Mondia. Na long nau yet, em i wok long stap nating na kisim potnait mani bilong em. Opisa ya i tok Mondia bai stap yet long saspem. Inap long taim Intenel Odita bilong CIS dipatmen i pinisim olgeta wok sekap na givim ripot i go long Komisina na Minista bilong CIS dipatmen John Kamb. Intenel Odita bilong dipatmen i wok long karim aut wok sekap

long ripot bilong yusim kran- gi mani bilong dipatmen. Long ripot bilong mekim pasin nogut wantaim ol meri insait long CIS dipatmen, dispela opisa i tok Komisina Nuakona i putim i go long han bilong plis long karim aut wok sekap long dispela samting. Em i tok plis i no tokaut yet long wanem taim ol bai karim aut dispela wok sekap.

K180,000 helpim go long Bogenvil

VERONICA HATUTASI i raitim

LONG TAIM planti hap bilong Bogenvil i wok long kamap gut isi isi, sampela bisnisan long ailan i laik kirapim ol wok bisnis bilong ol. Tasol ol i nogat inap mani long sanapim na go hetim ol wok. Na em i gutpela tingting tru bilong tripela nesanel memba bilong Bogenvil long tingim ol pipel bilong ol na givim K180,000 i go long Ikonmik Sevisies Dipatmen bilong Not Solomons long Buka long kirapim bek gen wanpela projek bilong helpim ol asples bisnisan ol i kolim long kina fo kina skim. Aninit long dispela skim, provinsel

gavman i save helpim ol liklik bisnis projek wantaim hap mani long taim papa bilong bisnis i putim narapela hap. Na olpela Not Solomons provinsal gavman i bin save ranim dispela skim. Ripot i kam long Not Solomons Edministretiv opis long Buka i tok olsem Minista bilong Stet na Bogenvil Afeas, Michael Ogio i givim K100,000 tausen long dispela prosek. Sentrel Bogenvil MP Joseph Eiglio i givim K50,000 na memba bilong Saut Bogenvil Michael Laimo i givim K30,000 Dispela mani i kam long slas fand em wan wan nesanel memba i save kisim bilong helpim ol pipel i go hetim ol projek long ilektret bilong ol.

Loya go kalabus long 20 mun

LONG las wik mande Nesanel Kot long Madang i salim wanpela loya i go long 20 mun kalabus. Dispela loya em Steven Pulipulya, 37 krasmas, bilong ples Yaibos long long hap bilong Wapenamanda long Enga provins. Nesanel Kot i salim Mista Pulipulya i go long 20 mun kalabus long tripela sas. Dispela tripela sas em: (1) fojeri, (2) fols pritenas na (3) adaltri. Pulipulya i kisim tupela sas bilong fojeri, 4-pela sas bilong fols pritenas na wanpela sas bilong adaltri. Long sas bilong fojeri, kot i bin harim olsem namel long Disemba 1, 1992 na Februari 12, 1993 Pulipulya i bin kisim wanpela balus tiket bilong wanpela man nem bilong em Kaliapeya wantaim famili bilong em. Namba bilong dispela balus tiket ya em MCO 656 4041 1350 415. Kos bilong dispela tiket em K447.28. Em i kisim dispela tiket na senisim na kisim mani inap long K3,903.15.

Narapela em long sampela taim namel long Jenuari 15 na Februari 12 long dispela yia long Madang em i kisim wanpela arapela balus tiket bilong wanpela man nem bilong em Edward na famili bilong em. Namba bilong dispela tiket em 656 4041 347 092. Em i senisim dispela tiket na kisim mani inap long K4, 098. Taim em i senisim dispela tupela tiket na kisim mani, em i bin slip long ol hotel long Madang olsem Madang Los, Jais Aben na Coast Watchers. Em i bin go raun tu long Manus, Kavieng, Rabaul na Mosbi. Kot i harim olsem em i bin yusim giaman ID kat bilong tupela man ya taim em i laik senisim tiket na kisim mani. Kot i harim tu olsem dinau em i gat wantaim tripela hotel ya em i yusim em i inap long K1,759.

Gavman bai wokim ples balus long Manam

BEN TAUMAI i raitim

EDMINISTRETA bilong Madang, Wep Kanawi i tokim ol pipel bilong Beyeng misin stesen long Manam ailan olsem em i no gat kros moa long ol. Olsem na ol bai kisim sampela helpim i kam long opis bilong em. Mista Kanawi i mekim dispela toktok Disemba 11 taim em wantaim Dairekta bilong Nesanel Disasta na Imejensi Sevis, Leith Anderson i go raun na skelim ol hevi long Manam ailan. Mista Kanawi i tokim ol pipel bilong Beyeng misin stesen long helpim ol bihain long tupela kukurai (viles sief) bilong Manam i bin salim sampela toktok long Mista Kanawi. Tupela i bin salim toktok na tok olsem sapos Mista Anderson i go long Manam ailan, tupela bai givim oda i go ol man long ples long kukim helikopta Mista Anderson i yusim long go bilong Manam ailan. "Mi no bin amamas o wanbel long toktok bilong dispela tupela Kukurai. Dispela tupela man ya bai

lukautim yupela olgeta manmeri na pikinini long Manam ailan," Mista Kanawi i askim ol pipel bilong Beyeng misin stesen. "Tasol kros bilong mi i pinis. Olsem na taim mi lusim ailan na go bek long Madang, mi bai salim sampela kaikai bilong yupela i kam long Bogia. Na yupela i ken go na lukim opisa husat i lukautim Bogia distrik na kisim kaikai bilong yupela," Kanawi i tokim ol. Wanpela viles lida i makim ol pipel bilong Beyeng misin stesen na givim bikpela tok tenkyu i go long Mista Kanawi. Na em i tok tu olsem ol i no laikim planti samting. Ol i laikim tasol Kanawi i mas givim ol helpim long sait bilong kaikai tasol. Tupela kukurai husat i bin toktok long givim oda long o man long ples long kukim helikopta i go lukim Mista Kanawi long opis bilong em na tok sori long toktok tupela i mekim. Mista Anderson i tokaut long dispela taim olsem nesanel gavman bai wokim wanpela ples balus long Manam ailan. As em long yusim dispela ples balus long taim ol pipel bilong Manam ailan i painim bagarap.

Nupela 1994 Kalenda



Wantok!

Mipela wokim pinis nupela 1994 Kalenda wantaim ol Baibel rit. Em i luk nais tru! Painim long bukshop long hap bilong yu na kaikai gut long 1994!

70t
tasol



Christian Books Melanesia
P.O. Box 488, Wewak. ESP
Papua New Guinea



WANTOK

NIUSPEPA BILONG OL PAPA NIUGINI STRET

Givim sans long ol pikinini

Dispela wik Praim Minista Paias Wingti i tokaut long ripot bilong sindaun bilong ol pikinini long Wol. Dispela ripot i toktok long sindaun bilong ol pikinini bilong yum! hia long PNG tu. Na stori bilong ol pikinini bilong yumi em i sori stori tru.

Dispela ripot i soim olsem PNG i winim ol narapela kantri long hap bilong Pasifik long ol dispela samting; moa pikinini bilong yumi i save dai bikos ol i no gat gupela kaikai, moa pikinini bilong yumi i no go skul, i no gat gupela wara saplai, ol pikinini i no kisim sut na planti narapela samting.

Yumi mas sem long dispela ripot. PNG em i no wanpelarabis kantri.

Yumi gat gupela graun, wara, kaikai na planti narapela samting. Asua i kamap bikos ol papamama i no kisim gupela skul long pasin bilong abrusim ol birua na lukautim gut famili. I gat planti senis i kamap long laip bilong yumi tude tasol yumi i no kisim gupela save long pasin bilong abrusim ol dispela hevi.

Olsem na mobeta yumi ol papa na ol lida bilong kantri i mas wok bung long stretim sindaun bilong ol pikinini bilong PNG. Givim sans long ol pikinini bilong yumi. Ol dispela pikinini bilong yumi em ol lida bilong bihaintaim.

Bikpela amamas bilong krismas i go long yupela olgeta.

Gavman laik strongim fri edukesen long 1994

VERONICA HATUTASI i raitim

FRI EDUKESEN polisi bilong gavman bai kamap strong long neks yia.

Aninit long dispela, gavman bai givim K31 milien skul sabsidi i go long ol komyuniti na haikul, ol nesenel haikul na ol vokesenel skul long kantri. Dispela em i K7 milien moa long mani em gavman i bin yusim aninit long fri edukesen progrem long dispela yia.

Long dispela yia, gavman i bin yusim K24.5 milien long nupela polisi bilong en long dispela yia. Olsem bai planti pikinini inap go long skul na kisim save bilong rit na rait. Na tu long daunim sampela hevi ol papamama i save painim long taim bilong baim skul fi bilong ol pikinini.

Long neks yia, gavman bai baim K300 skul fi bilong wan wan haikul sumatin. Na K27 bilong wan wan pikinini long ol komyuniti skul. Dispela mani em i bilong baim ol buk, pensil, rula na ol narapela samting bilong ol sumatin na

tisa long yusim insait long klasrum.

Na ol papamama yet bai baim ol projek fi. Ol bod bilong menesmen bilong ol skul yet i save sasim dispela fi bilong helpim skul long ol wok bilong stretim ol haus na opis, wokim ol nupela klasrum, toilet, haus tisa, bilong baim pawa na telipon na olkain wok olsem.

Sampela Provinsal Edukesen Bod (PEB) long kantri wantaim ol primia bilong ol i laikim ol papamama long baim yet skul fi bilong ol pikinini long neks yia. Bikos ol i tok PEB i no kisim hariap ol skul sabsidi mani bilong mekim ol wok bilong skul.

ol ripot i tok olsem i kam inap nau, sampela skul i no kisim yet skul sabsidi mani bilong dispela yia.

Long las wik, ol PEB na primia bilong Nu Ailan na Is Nu Briten provins i bin tokaut strong olsem ol papamama bai baim skul fi bilong ol pikinini long neks yia. Long wanem kain kain hevi i bin

kamap taim PEB i no kisim hariap ol dispela sabsidi mani bilong ol.

Tasol minista bilong Edukesen, Andrew Baing i tok olsem gavman bai salim sabsidi mani bilong ol skul i go long ol wan wan tras akaun bilong ol PEB long mun Januari taim ol skul i no stat yet long 1994. Na ol asisten seketeri bai raitim sek bilong wan wan skul long provins na tilim long ol.

Long wankain taim tu, Mista Baing i laikim pawa bilong bosim olgeta skul long kantri i go long han bilong nesenel gavman. Na ol skul i ken bihainim wankain lo bilong ranim ol wok na baim ol skul na bod fi.

Bikos long nau yet, ol skul na projek fi insait long 19 provins bilong PNG i no wankain. Bod ov menesmen bilong wan wan skul i save skelim mak bilong ol skul fi long hap bilong ol.

Na long kamapim ol dispela samting, ol bai senisim mama lo we i karamapim wok bilong edukesen insait long ol provins.

Mista Baing bai toktok wantaim minista bilong Provinsal

Afeas na Viles Sevises, John Nilkare long dispela samting.

Mista Baing i tok tu olsem long dispela yia, sampela hevi i bin kamap long wok bilong fri edukesen polisi.

Namba wan em planti provins i no bin salim stret ol ripot. Na tu planti papamama i bin paul long fri edukesen polisi na ol projek fi bilong skul bod. Sampela provins tu i no bin amamas taim ol narapela lain i kisim moa mani long ol.

Tasol minista i tok kaikai bilong fri edukesen i wok long kamap ples kliia nau taim namba bilong ol pikinini husat i go long ol komyuniti skul tu i go antap isi isi.

Long dispela yia, namba bilong ol pikinini em krismas bilong ol i stap namel long 7 na 12 yia husat i bin go long skul i sanap olsem 618,405. Na dispela em i 9 tausen moa long 1992.

Mista Baing i skruim toktok moa olsem ol papamama husat i gat pikinini long ol intanesenel na praiwet skul tu bai kisim sampela helpim long neks yia aninit long dispela progrem. Na ol bai kisim bek sampela mani bilong ol.

WANTOK

NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Sik pekpek wara na strongpela kus bagarapim Saut na Sentrel Bogenvil

VERONICA HATUTASI i raitim

SIK PEKPEK wara na strongpela kus i bagarapim tru ol pipel bilong Saut na Sentrel Bogenvil.

Na 34 pipel i dai pinis long ol dispela sik.

Ol ripot i tok olsem ol pipel insait long ol kea senta bilong Saut, Sautwes na Sentrel Bogenvil na tu long

hap bilong Wakunai i kisim taim nogut tru. Na ol pikinini husat mama i karim ol nau tasol i go inap long 14 krismas wantaim ol lapun i wok long dai long ol dispela sik.

Ripot i tok tu olsem bikpela as bilong ol dispela sik em planti pipel tumas i stap bung wan-

taim long ol kea senta. Na tu planti pikinini i no bin kisim ol banis sut bilong ol inap long 5-pela yia nau.

Gavman i salim pinis marasin i go long Tonu na Wakunai haus sik bilong traim daunim ol dispela sik.

Long hap bilong Siwai, Baitsi na Nagovis, 16 pikinini i dai pinis. Na tu tupela bikpela man em krismas bilong ol i stap namel long 30 na 40 yia.

Ol ripot i kam long Saut Wes Interim Atori-

ti long Konga i tok olsem sik nau i go bikpela long ol hap bilong Rataiku na Haisi. Tasol long ol hap bilong Monoitu na Tonu, sik i wok long slek nau.

Ol helt woka long ol dispela hap tu i wok hat yet long helpim ol pipel bilong ol husat i kisim taim. Ol i kisim pinis sampela strongpela marasin i kam long Buka, tasol sik tu i wok long strong yet na kilim nabaut ol pikinini.

Long wankain taim tu, 5-pela pipel long

hap bilong Buin i dai pinis long han bilong ol BRA paitman. Na wanpela husat i laki na stap laip yet i stap kisim marasin nau long Wakunai.

Ripot i tok ol 5-pela husat i dai em ol memba bilong resiten grup bilong Buin na Tokaino kea senta. Na ol i bilong ples Pariro long Buin yet. Ol BRA paitman i bin kilim ol long Tunde apinun namel long rot bilong Buin taun na Tokaino taim ol i laik go bek long kea senta.

Pil givim K850,000 helpim long ilektret

BEN TAUMAI i raitim

NESENEL memba bilong Madang Stanley Pil i soim pinis nesenel gavman na tu ol pipel long ilektret bilong em olsem em i yusim gut mani em i kisim aninit long Rurel Trensport Sektorel Fan.

Bikos long las wik Sarere em i holim wanpela bikpela bung long Laiwoden pilai graun long Madang na i givim 6-pela bot, tupela ambulens, wanpela dam trak, tupela wokabout somil na tupela ka i go long ol pipel long ilektret bilong em.

Praim Minista Paias Wingti, Minista bilong Hausing John Jaminen na Minista bilong Foren Afeas John Kaputin i bin stap long dispela taim long lukim Mista Pil i givim ol dispela samting i go long ol pipel bilong em.

Rijonol memba bilong Madang Peter Barter na Edministreta Wep Kanawi tu i bin stap long dispela taim.

Pastaim long Mista Pil i givim ol dispela samting, em i tokaut olsem pas-


taim long em i kamap wanpela memba, em i save harim ol pipel i krai long sevis bilong gavman.

Em i tok taim em i stap olsem memba bilong Madang open ilektret, em bai mekim wok olsem memba long stretim sampela hevi ol pipel i wok long bungim.

Mista Pil i tokaut olsem em i no inap long helpim wanpela o tupela manmeri tasol. Nogat. Em bai mekim wok olsem memba long helpim wan wan komyuniti insait long ilektret bilong em. Em i aksim tu ol pipel long lukautim gut na yusim dispela ol samting em i givim long stretim sindaun bilong ol.

Praim Minista Wingti i tok em i gat bikpela amamas tru long wanem samting Mista Pil i mekim. Na i tok developmen i no save kisim sotpela taim long kamap. Developmen i save kisim longpela taim long kamap.

Mista Kaputin i tokaut olsem dispela em i namba wan bilong em long lukim wanpela nesenel Palamen memba i mekim dispela kain samting.





Kanage i save stap long Mosbi. Wapela taim em i go long Wewal long lukim brata bilong em. Em i go stap wantaim brata bilong em i go na wapela taim em i go raun long Wewak taun. Kanage raun i go na em i go sindaun na malolo long Wewak pos opis i stap. Em sindaun i stap na em i lukim wapela yangpela meri i wokabaut i kam. Dispela meri em i wapela grille pukpuk meri. Oi Sepik i save kolim ol grille meri olsem "Mondogo." Tasol Kanage i no save olsem dispela meri ya i gat grille long skin bilong em. Bikos em i dres ap gut tru. Taim em i wokabaut i kam klostu long Kanage, Kanage wisil long meri ya. Mondogo meri ya tanim na askim Kanage olsem: "Mankj wantok, yu wisil long mi o husat?" Kanage kirap na tokim meri ya olsem em i wisil long em. Taim meri ya harim Kanage i tok olsem em i kirap na tokim Kanage olsem: "Bipo mi no save lukim kain man olsem yu hia long Wewak. Yu kam long wanem hap tru ya?" Kanage kirapim na tokim Mondogo meri ya olsem em i kam long Mosbi. Em nau meri ya kirap na tokim Kanage olsem: "Givim yu i no hat. Tasol nogut yu wan raun tasol na yu giaman na tok olsem ai bilong yu i raun olsem masin."

Robin Gawi
MADANG

Kanage i save wok long Madang. Wapela taim em i kisim malolo na raun i go long Manus long lukim wapela gutpela poroman bilong em. Taim em i go kamap long Manus, poroman bilong em i wetim em i stap long ples balus. Em nau tupela kalap long wapela ka na go long ples bilong poroman bilong em. Kanage i stap wantaim poroman bilong em samting olsem wapela wik pinis na em i askim poroman bilong em: Poro inap mi traime askim laik long wapela yangpela meri long ples bilong yu? Poroman bilong em i kirap na tokim Kanage olsem: Poro, yu no ken askim mi. Save stap long yu. Yu traime na lukim. Wapela bai laikim o nogat. Wapela nait tupela i go long danis long wapela ples. Em nau Kanage kisim wapela yangpela meri na tupela i wok long danis i stap. Tupela danis i go na Kanage kirap na askim dispela meri ya olsem: Susa, mi gat laik long wokim pren wantaim yu ya. Meri ya harim olsem na kirap tokim kanage olsem: Se, lukim yu yet pastaim. Yu ting kain meri olsem mi bai i gat laik long yu-lapun pinis ya. Kanage sem wantaim na em i tingting i go nogat na kirap tokim meri ya olsem: Yu tok mi luk lapun. Tasol mi ken tokim yu olsem sampela ka yu save lukim bodi i luk lapun. Tasol ensin i nupela yet. Na i ken go antap long bikipela maunten. Wankain long mi. Mi luk lapun tasol ensin ya i ken wokim ol hevi duti wok.

Kuch Tasol
KAVIENG

Kanage i ringim wapela olupela pren meri bilong em long Madang. Nem bilong meri ya em Lucy. Taim Kanage i laik toktok long em, meri ya i les. Olsem na Kanage i tok, "A sore susa yu no tingim bipo olsem yu kol kaikai bilong mi o?" Meri ya i kirap na tokim Kanage olsem "Sori em bipo nau mi nogat filings long yu," Kanage i belhat na tokim em olsem, "Nau tasol yu tok olsem, tasol long bipo, olgeta skin gras bilong yu save sanap taim ol filings na waia long bodi bilong yu save lus. Yu save pinis Kanage em i wapela kandere bilong ol Masalai ya" Taim meri ye i harim em i pasim maus tasol.

Mangi Israel. MOSBI.

moa tok pilai long pes 17

Usino Bundi memba givim K20,000 long ol kea senta

BEN TAUMAI i raitim

NESENEL memba bilong Usino Bundi, George Wan i givim pinis K20,000 i go long helpim ol pipel long tupela kea senta insait long Madang.

Em i bin givim dispela mani i go long ol lain long opis bilong provin-sal disasta opis long Mande. Na dispela mani i kam long Rurel

Trenspot Sektorel Fan bilong memba.

Long las wik, Dairekta Jenerel bilong Nesenel Disasta na Imejensi Sevises, Leith Anderson i bin autim bel hevi bilong em long gavman. Bikos ol no i bin givim hariap dispela K350,000 em ol i bin promis long givim bilong lukautim ol pipel i stap long ol kea senta long Madang na Morobe.

Mista Anderson i mekim ol dispela toktok bikos long nau yet, ol i sot tru long mani bilong lukautim ol pipel long ol kea senta bilong ol dispela tupela provins.

Tasol long las wik, Mista Wan i soim tru pasin bilong helpim na givim dispela mani.

"Mi amamas tru long dispela Krismas presen em Mista Wan i givim bilong lukautim ol pipel bilong em long dispela

taim," Edministreta bilong Madang, Wep Kanawi i tok.

Em i tok dispela mani bai go long wok bilong lukautim ol pipel bilong Ranara na Gusap kea senta.

Mista Kanawi i tok long dispela yia, provinsal gavman i bin yusim pinis samting olsem 200 tausen kina long helpim ol pipel husat i kisim bagarap long hap.

Ol dispela bagarap i kamap long maunten paia, bus i paia, draipela san, guria na graun i bruk.

Mista Kanawi i tok, "Mi amamas tu olsem ol pipel bilong Madang em ol strongpela man-meri na ol i no kraim taim ol i kisim ol dispela bagarap."

Em i tok long wanem ol i yusim planti mani pinis, sampela projek bilong bris na rot bilong neks yia i no inap long kamap.

Long taim em i givim dispela helpim, Mista Wan i tok olsem em i no bin go lukluk raun long tupela kea senta bikos em i sem olsem em i no givim wapela helpim long ol pipel. Tasol nau em i givim helpim pinis, em bai go lukluk raun long hap.

Long bekim ol dispela toktok, Mista Kanawi i tok ol bai yusim stret dispela mani long helpim ol pipel.



• Memba bilong Usino Bundi, George Wan i givim nau K20,000 sek bilong em i go long bos bilong disasta opis long Madang na edministreta, Wep Kanawi.

Viles Kot siaman no amamas long difenden

ARI GUH DANDEE i raitim

SIAMAN bilong Kolowabi Viles Kot long Wau i no amamas tumas long pasin em wapela difenden bilong ol i bin mekim taim em i no wanbel wantaim wapela kot disisen na bringim Viles Kot i go long Distrik Kot.

Siaman, John Wano i tokaut olsem Poregan Paip bilong ples Biar long Wau distrik i no bin wanbel wantaim Viles Kot disisen long askim em long peim moa long K600 i go long Hobeolju Takata olsem kompensesen mani long lukautim ol pikinini bilong em. Dispela i stat long 1968 i kam inap long 1977.

Mista Wano i tok, em i no bin amamas tu long tingting bilong Mista Paip long apil egensim kot disisen bilong Kolowabi Viles Kot na bringim long Distrik Kot. Tasol Mista Paip i lusim apil bilong em egensim Kolowabi Viles Kot.

Em i tok olsem Mista Paip i bin brukim tru long bilong Viles Kot long apil egensim kot ekt namba 9505

OLGETA SPESOL I MAS GO!

Doors Internal Ruby 610mm x 2030 x 35mm	K 35.95
Doors Ledge and Brace	K 59.95
Doors Aluminium Security	K129.50
Build some steps using Pryda Kwik-Step Formers	K 7.95
Makes it EASY	
HOLLOW SECTIONS	
25 x 25 x 6.5 metres	K 10.95
35 x 35 x 6.5 metres	K 22.95
50 x 50 x 6.5 metres	K 27.95
75 x 75 x 6.5 metres	K 49.95
DURA CCA TREATED PLYWOOD FOR FLOORS & WALLS	
Dura Flooring 2.400 x 1.200 15mm	K 59.95
Dura Ply 2.400 x 1.200 6mm	K 26.95
Dura Ply 2.400 x 1.200 9mm	K 35.95
Dura Ply 2.400 x 1.200 12mm	K 46.95
Dura Ply 2.400 x 1.200 15mm	K 56.95
Particle Board 2.400 x 1.200 16mm	K 39.95
Particle Board 2.400 x 1.200 18mm	K 47.95
Laminate 2.400 x 1.200 Red	K 24.95
Laminate 2.400 x 1.200 Brown	K 24.95
Laminate 2.400 x 1.200 Orange	K 24.95
Laminate 2.400 x 1.200 Hessian	K 24.95



HELPING TO BUILD THE NATION

WAIGANI STORE ONLY!

Phone: 25 6755 Sales Office Direct Fax: 25 4178

TU MINIT TINGTING

KALENDA BILONG 1994

YUMI olgeta i gat dispela pasin bilong hangamapim wanpela nupela kalenda long namba wan de bilong nupela yia. O yumi save putim dispela kain kalenda long des bilong opis bilong yumi, we long olgeta de yumi save rausim wanpela pes bilong kalenda na tromoim em i go. Yumi gat kalenda tu long hanwas bilong yumi, o long liklik debuk.

Long sampela opis na skul, ol wokman na wokmeri na studen i save makim wanpela bikpela X bilong katim ol wan wan de i go pinis. Dispela i min ol i save lukim kalenda long olgeta de.


Orait, nau yu holim kalenda bilong 1994 long han bilong yu, na yu tanim ol pes bilong en na lukim ol piksa na ritim ol toktok. Oke. Nau mi laik askim yu tripela kwesten long ol dispela

365 de yu holim nau long han bilong yu.

Namba wan kwesten i go olsem: Yu ting wanem de bilong 1994 bai i win long olgeta arapela 364 de? Ating betde bilong yu? O greduesen bilong yu? O de bilong marit? O de bilong pinistaim long wok? Nogut yu tingting planti. Mi bai tokim yu nau: long dispela yia 1994 bikpela de i winim olgeta arapela de em TUDE tasol.

Namba tu kwesten em i dispela: Long dispela yia bai yu bungim wanem bikpela man o meri tru? Papa, o mama, o brata, o susa, o gutpren? Nogat.

Man o meri i winim olgeta arapela long 1994 em i dispela man o meri yu BUNGIM NAU TASOL! Em i bikos Jisas i bungim yu insait long dispela man o meri bilong nau.



FRANK MIHALIC i raitim

Namba tri kwesten i go olsem: wanem wok bilong yu long dispela yia bai winim olgeta arapela wok? Nau mi tokim yu: namba wan wok tru bilong tude na bilong olgeta wan wan de, em i dispela GUTPELA PASIN YU WOKIM NAU TASOL.

Long namba wan de bilong nupela yia, yumi olgeta i save

promis long stiaim wan wan de long sut long wanpela mak. Tasol, sore, bihain long tupela de yumi save lus tingting olgeta long dispela promis yumi save mekim. I gat stori long dispela, na em i go olsem:

Wanpela mama i singautim tripela pikinini bilong em na i tokim ol olsem: "Ol pikinini, nau yumi ken amamas. Olgeta wari bilong yumi bai pinis nau; bai yumi kamap risman tru. Long wanem, mi bin painim wanpela kiau. Na bai yumi mekim olsem wantaim dispela kiau: Yumi no ken kaikai dispela kiau. Nogat.

Mi bai putim em aninit long wanpela paul meri bilong ol wantok. Nau dispela kiau bai kamap paul. Tasol yumi no ken kaikai dispela paul. Nogat. Em bai karim planti kiau, na ol dispela kiau bai kamap planti paul. Tasol yumi no ken kaikai ol paul

tu. Nogat. Bai yumi salim ol na yumi baim wanpela kau. Bihain bai kau i karim, na bai yumi gat planti kau. Bihain bai yumi salim ol kau na baim fam, na bihain yumi baim narapela fam gen. Na bihain bai yumi gat planti mani."

Long namba wan de bilong nupela yia, planti bilong yumi i wankain long dispela meri. Yumi save wokim olkain driman bilong nupela yia. Tasol bihain long wanpela de tasol, ol i kap-sait olsem kiau i pundaun long graun na i bruk. Bilong dispela na long olgeta yia, yumi save go het liklik tasol long stretim laip bilong yumi.

Long taim meri ya i wok long toktok, em i tromoim nabaut han bilong em, na kiau i pundaun long graun na bruk. Sore! Olsem tasol na olgeta bikpela driman na promis bilong meri i lus nating.

Wol Misin Kaunsil pasim toktok long helpim wok bilong ol meri

VERONICA HATUTASI i raitim

KAUNSI bilong Wol Misin (CWM) i laik lukim olsem ol meri i mas kamap olsem ol lida insait long wok bilong sios na komyniti.

Bikman bilong Yunait-ed Sios long PNG na Solomon Ailans, Edea Kidu i tokaut long dispela bihain long em i kam bek long wanpela bikpela bung bilong CWM long Inglan. Bung ya i bin kamap long Wels long tupela wik i go pinis.

Samting olsem 17 bikman bilong Yunait-ed, Metodis, Kongrike-

senel na Presbiterien sios i bin stap long dispela wan wik bung. Ol i stat long Desemba 1 na pinis long de namba 8. Ol bikman i makim 30 kantri bilong 6-pela rijon long wol olsem long Afrika, Kerebien, Yurop, Is na Saut Asia na Afrika.

Ol dispela lotu i gat bikpela tingting long wokbung wantaim na helpim wanpela na narapela long strongim na kirapim yet sios wok insait long kantri na ol komyniti bilong ol.

Ol i lukim pasin bilong tilim na helpim wanpela

na narapela wantaim mani, risos na ol save-man olsem ol bikpela rot bilong strongim tru wok sios na gutpela sindaun bilong ol pipel, Reveren Kidu i tok.

Em i tokaut tu olsem i gat wanpela progrem bilong senisim ol wokman na meri i stap pinis. Insait long dispela progrem, ol wokman bilong ol memba sios i ken go wok na skruim save bilong ol long ol arapela memba kantri. Yunait-ed Sios long PNG i salim pinis tupela wokman bilong en i go stap long Jamaika, wanpela long Britis Gayana na narapela long Tuvalu.

Long wankain taim

tu, ol sampela sios wokman bilong Fiji, Tonga, Nu Silan, Australia na Yunait-ed Kingdom i kam stap wok nau wantaim Yunait-ed Sios long PNG.

Long neks yia, tupela misineri bilong Madagaska bai kam wok wantaim sios long kantri.

Ol memba bilong CWM i sapatim tu ol yangpela pipel long wok wantaim sios na autim Gutnius bilong Jisas insait long ol ples na komyniti.

Ol i laik strongim ol pikinini long kisim skul long gutpela pasin bilong helpim ol long kamap gutpela Kristen

na lida bilong kantri.

Reveren Kidu i tok wanpela bikpela samting ol memba sios i laikim na oraitim long bung em long wokbung gen wantaim Saut Afrika bihain long 12 yia tambu long wok bisnis wantaim ol CWM memba.

Bikos long strongpela lo bilong brukim ol waitman na blakman long bilong Saut Afrika na ol waitman i bos long olgeta samting, planti kantri long wol i no bin laik wokbung long bisnis, pilai na ol arapela samting wantaim Saut Afrika. Ol memba bilong CWM i bin pinis long mekim wok bisnis wantaim Saut Afrika long 1981. Tasol wantaim nupela gavman bilong FW De Klerk, pasin bilong

rabisim ol asples man i go daun na sindaun bilong kantri tu i gutpela nau.

Presbiterien na Yunait-ed Kongrike-senel sios bilong Saut Afrika em ol tupela memba bilong CWM. Long tingim Epril 27 olsem wanpela bikpela de bilong Saut Afrika, ol memba bilong CWM bai mekim dispela de olsem de bilong prea.

CWM i bin kamap wantaim bikpela tingting bilong bringim Gutnius na wok misin i go long olgeta hap bilong wol. Ol i bin kirapim dispela bodi long 1977. Pastaim ol i save kolim ol yet olsem ol lain bilong London Misineri Sosaiti. Long nau yet, planti kantri insait long hap bilong Asia, Pasifik na Kerebien rijon i

mamba long en.

Yunait-ed Sios bilong PNG na Solomons Ailans i bin kamap memba blong 1977. Ol arapela Pasifik memba em Kiribas, Samoa, Nu Silan, na Ameriken Samoa.

Reveren Kidu i tok CWM i gat bikpela laik long helpim wok bilong stretim sindaun bilong ol pipel long Bogenvil. Long las yia, ol i bin givim K10,000 i go long Bogenvil Apil.

Em i bin givim tu wanpela ripot long ol samting i wok long kamap long Bogenvil nau long dispela bung. Na em i bin kliaim ol kain kain tingting em planti lain i gat long Bogenvil bihainim ol wansait ripot bilong ol sapota bilong Bogenvil Revoluseneri Ami.

Rot bilong go long God no isi - Asbisop Meredith

ASBISOP bilong Engliken Sios long Papua Niugini: Reveren Bevan Meredith i mekim nau wanpela bikpela singaut i go long olgeta pipel bilong kantri long givim ol yet i go long God Papa.

Em i mekim dispela singaut insait long hap toktok long em long Krismas.

Asbisop Meredith i tok long ol haus lotu insait long wanpela long ol hap pepa bilong Krismas, i gat piksa bilong Pikinini Jisas em Mama i karim em insait long wanpela kaikai bilong ol bulmakau.

"Dispela yu bai yumi klia piksa long God i kamap man na i kam daun bilong stap namel long yumi," em i tok.

Long wankain taim, Asbisop Meredith i tromoim tu dispela askim bilong Krismas i min wanem long wan wan taim na meri.

Em i tok long Krismas bilong olgeta yia, ol lotu i

yumi. Na Krismas de bai strongim tingting na bilip na laik bilong yumi long dispela samting.

"Olsem long ol Buk bilong Sam (Psalm) i tok, sios em i olsem ol man husat i wokabout na bihainim rot i go long God Papa. Na yumi wan wan man na meri tu i wankain olsem. Kain kain samting inap bagarapim dispela wokabout bilong yumi," Asbisop Meredith i tok.

Em i tok sapos dispela wokabout i go stret, em bai helpim tru yumi long stap olsem ol gutpela manmeri wantaim ol arapela brata na susa insait long komyniti.

Em i tok sapos dispela wokabout i go stret, em bai helpim tru yumi long stap olsem ol gutpela manmeri wantaim ol arapela brata na susa insait long komyniti.

save redim na stretim dispela taim olsem taim bilong Jisas i kam daun long graun olsem wanpela liklik bebi.

Tasol long samting tru, God i no save kam na go. Nogat. Em i save stap olgeta taim namel long

Ol Buang bung long bikpela wok misin

OL pipel bilong Pepekani insait long Buang Senses Divisen bai gat wanpela bikpela miting bilong ol long Desemba 27 na 28 long pies yet.

Dispela miting bilong ol bai bungim olgeta pikinini teperani bilong Wau, Mosbi, Lae, na ol asples pikinini long stap insait long dispela miting. Bai ol i

toktok long sampela bikpela wok bilong kamapim ol long ples bilong ol.

Dispela em i namba tu bung bilong ol. Namba wan bikpela bung i bin kamap long krismas bilong 1992.

Jisas tasol em rot bilong bel isi

JISAS tasol em i rot bilong gutpela sindaun na bel isi long graun.

Dispela em i hap toktok bilong Spika bilong Nesenel Palamen, Bill Skate long Krismas na Nu Yia i go long ol pipel bilong Papua Niugini.

Em i tok long dispela taim nau, planti pipel i lukim Krismas na Nu Yia olsem taim bilong ol famili long bung wantaim na amamas na spak na wokim pati nabaut.

"I no gat rong long dispela, tasol i gutpela sapos ol man i slek liklik long pasin bilong amamasim bodi wantaim ol kaikai na strongpela dring na putim Jisas pastaim long laip bilong ol," em i tok.

Olsem tasol na Mista Skate i laikim ol pipel bilong kantri long bung wan-

taim long gutpela Kristen pasin na tingim taim bilong mama i karim Jisas.


Em i tok, "I gutpela tu long yumi wan wan i stap isi na tingim ol samting yumi bin mekim long las 12-pela mun i go lus pinis. Na wanem samting yumi tingting long mekim long narapela yia."

Mista Skate i askim tu ol pipel bilong kantri long beten strong olsem bai gutpela sindaun na pasin bel isi inap kamap olgeta long Bogenvil ailan.

Em i tok, "Long daunim ol hevi bilong lo na oda long kantri olsem bai PNG inap kamap strong gen, ol pipel, ol sios na kantri i mas putim Jisas pastaim long laip bilong ol."



Nogat Mobil PMV Pawa Oil



Igat Mobil PMV Pawa Oil

- Increases engine life.
- Reduces maintenance costs.
- Available at Mobil Service Stations and Depots.

ACME M08906

Mobil The No.1 Team

Lida bilong Fiji dai long haus sik long Amerika



*Soldia i dai...*Sampela ol meri i wok long krai long wanpela Yunaited Nesen soldia bilong Amerika em ol birua i kilim em.

PRESIDEN bilong Fiji, Ratu Sir Penaia Ganilau i dai pinis long em i stap na winim 75 kris-mas long graun.

Sir Ganilau i bin dai long haus sik bilong Wasington long Amerika long Fonde, 16 Desemba, 1993. Em i bin dai long wanpela sik bilong blut.

Ol ripot i kam long Fiji i tok olsem long las mun, wanpela haus sik balus bilong ami bilong Amerika i bin kisim Sir Ganilau long Fiji na karim em i go long Amerika.

Na taim em i go stap kisim marasin bilong dispela sik bilong blut, em i bin dai long Walter Reed Medikel Senta long Wasington.

Dispela tu i bin namba tri taim bilong Sir Ganilau long go long dispela haus sik long dispela yia na em i dai.

Ol ripot i tok tu olsem kabinet bilong Fiji i

oraitim pinis moa long K300,000 bilong yusim long haus sik na marasin bilong presiden.

Long pasin bilong ol

Fiji, Ratu Sir Penaia em i wanpela bikman o sief bilong ples. Na long hap ol i save kolim em olsem Tui Sakau. Em i gat nem tu long

wok long ami na bihain long pablik sevis.

Em i bin holim tu wok olsem wanpela gav-man minista pastaim




*Taim bilong pasim kago...*Wanpela man Irak wantaim famili bilong em i kisim ol samting bilong ol na ranawe i go long Irian. Dispela em long mun Epril long 1991.



*Taim bilong wari na krai...*Wanpela meri Amerika wantaim man bilong em i wok long krai long bodi bilong pikinini man bilong tupela. Ol soldia bilong Azeri i kilim em long taim bilong pait.



*Givim helpim...*Wanpela wokman bilong Yunaited Nesen Hai Komisn bilong ol Refusi i givim wanpela hap sel na wanpela beg flaua i go long wanpela refusi.



PABLIK TOK SAVE

OPIS BILONG PNG TISA ASOSIESEN BAI PAS - KRISMAS NA LONG NU YIA.

Mipela i laik tok save long olgeta manmeri olsem bikpela opis bilong asosiesen wantaim ol rijonal opis bilong en long kantri bai pas long taim bilong Krismas na Nu Yia.

Oiget a opis i bin pas long aste, 22 Desemba, 1993 na bai op gen long 12 Janueri, 1994.

Long makim maus bilong Nesenel Menesmen Komiti (NMC), wantaim ol wokman na meri, mipela laik salim Bikpela Krismas Griting na Gutpela Nu Yia i go long olgeta memba na kastoma bilong mipela.

MOSES KANAWI TAIAN,
Nesenel Jenerel Seketeri.



NAMBA WAN


TRAK

TOYOTA 6000

TEAM UP WITH TOYOTA

Ol Toyota Trak i fit long raun long ol rot insait long Papua Niugini. I gat spesel tripel fran waipa bilong helpim draiva long lukim gut rot long taim em i ran long bikpela ren. I gat strongpela Toyota disel pawa na ful sapot bilong Toyota Genuine Parts na Quality Service Centre i stanbai oltaim long helpim Toyota Trak bilong yu.

PORT MORESBY 229400 • LAE 422322 • RABAU 921988
MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155
TABUBIL 589060 • VANIMO 871254 • PORGERA 579367



EM4690




Tupela man Serb i wok long dring bia na amamas long soim amamas bilong tupela bihain long tupela wantaim ol arapela wanlain bilong tupela i kisim bek wanpela Muslim ples.



*Smail wantaim na stretim....*Tupela refusi meri i wok long sindaun na samil wantaim na wokim brum i stap long wanpela refusi kem long Trincomalee distrik long Sri Lanka.



*No gat inap ples long slip...*Sampela refusi pikinini long Cotomou long Benin. Planti manmeri i stap long dispela hap. Olsem na i nogat inap ples long ol i slip gut long nait.



*Wokim gut simen....*Tupela man i wok long wokim ol simen long sapotim ol pos bilong haus. Bikos ol refusi i painim gutpela samting long sapotim ol pos bilong ol haus bilong ol.



*Sans bilong wasim ol samting....*Sampela refusi meri bilong Afghan long Iran i wok long wasim ol klos na arapela samting long wanpela liklik wara.



*Rausim i kam ausait....*Tupela mani wok long rausim ol beg kalkai long wanpela ka. Dispela ol beg kalkai bai go long ol refusi. Yunaited Nesen Hai Komisn bilong ol Refusi i saplaim dispela ol kalkai.

Yunien laik holim semina bilong ol NCDC woka

I GAT tingting i stap nau bilong holim wanpela bikpela tred yunien semina bilong Nesenel Kapitel Distrik. Man husat i autim dispela tingting em Jenerel Seketeri bilong Nesenel Kapitel Distrik Komisien Wokas Yunien (NCDCWU),

Jeffrey Borari. Mista Borari i tok em i laik holim dispela semina bilong lainim gut ol wokman long wok bilong ol tred yunien. Na em i laikim dispela semina long kamap long neks yia. Em i tok dispela i mas kamap bikos ol wok-

man na meri i mas save long wanem kain pawa ol i gat bilong toktok na mekim samt- ing. NCDCWU i sutim tu strongpela toktok i go long menesmen bilong siti kaunsil long olkain polisi bilong wok em ol i gat long en.

Mista Borari i tok menesmen bilong siti kaunsil i no gat inap save long wanem samt- ing bilong mekim. Na tu ol i no gat inap tingting long wanem nupela samt- ing bilong mekim.

"Wanpela gutpela samt- ing em ol i save moa long mekim em long banisim ol yet long kain kain toktok i kamap long ol."

Em i mekim dispela toktok bikos long lukluk bilong em, kaunsil i no gat tru gutpela polisi bilong ol wokman, samt- ing bilong ol long yusim long trening na olkain arapela kos bilong helpim ol wokman. Long dispela kain pasin, ol wokman na meri tu i no save long wanem hap em ol i stap long en.

Mista Borari i autim dispela bel hevi tu bikos long wanpela askim bilong ol, no gat wanpela man i glasim na skelim dispela. Yunien i bin askim menesmen long oraitim wanpela memba bilong ol long stap long bod



Krismas nau...Ol lain tisa bilong Jun Veli komyuniti skul i wok long givim na kisim nau ol Krismas presen bilong ol. Bung bilong ol i bin kamap long Kwatung haus kaikai long Mosbi. Foto: Jack Ami.

PM tokim ol Madang long go pas na soim rot

BEN TAUMAI i raitim

LONG kisim ol gavman sevis insait long ples, ol pipel yet i mas wok hat. Ol i no ken sindaun nating na wetim gavman long bringim sevis i go long ol.

Praim Minista Paias Wingti i bin mekim ol dispela toktok long las wik Sarere long Laiwaden pilai graun. Long dispela taim, memba bilong Madang, Stanley Pii i bin givim ka, spitbot na wokabaut somil i go long ol pipel long ilektret bilong em.

Mista Wingti i tokim ol pipel bilong Madang olsem gavman bai kisim ol sevis i go long ol sapos ol yet i wok hat pastaim.

"Developmen na sevis i no inap kamap long wanpela de o insait long wanpela yia, em bai kisim planti yia," em i tok.

Mista Wingti i tokim moa long 400 pipel long bung olsem em i amamas long gavman bilong em bai stap long pawa gen long narapela 5-pela yia. Bikos ol bai gat sans bilong lukim sampela bikpela polisi bilong gavman olsem long fri edukesen, viles sevises skim, wok bilong turis bisnis, wok bilong fores, painim pis bisnis na ol arapela moa i karim kaikai.

Em i tok tu olsem Madang em i wanpela gutpela provins em planti pipel bilong ovasis i save gat bikpela laik tru long kam na limlimbur long en. Klostu wanpela tinpis faktori tu bai kirap long hap. Na em i laikim ol pipel i kirapim tu ol kain kain bisnis long provins. Ol dispela bisnis i mas sut long wok turis, wok hotel bilong helpim tru sindaun bilong ol pipel long provins.



Praim Minista Palas Wingti i lusim balus na sekim nau ol plisman bilong Madang. Em i bin go long hap long lukim memba bilong Madang Stanley Pii wantaim ol arapela lain minista bilong em. Na em i amamas long wanem samt- ing em i lukim.

NOKEN BAIM MOA LONG OL STOA!




**10t
TASOL**



**10t
TASOL**



**10t
TASOL**



**10t
TASOL**



**5t
TASOL**

Sapos ol askim moa...go long narapela stoa!

Mi painim man long lukautim mi

Dia Edita,

Mi wanpela manki papamama bilong mi i dai pinis. Mi save stap gut wantaim ankol na anti bilong mi inap long taim wanpela asua i kamap na bagarapim laip bilong mi. Nau mi no stap gut na mi raitim dispela pas i kam long *Wantok Niuspepa* long husat manmeri i ken lukim na givim sampela tingting long en.

Taim ol papamama bilong mi i dai long Vanimo, ankol bilong mi wantaim meri bilong em bilong Morobe i lukautim mi. Tupela lukautim mi gut, baim skul fi bilong mi long komyuniti skul inap nau mi stap long Makam Veli Hai skul long Morobe provins.

Long taim mi stap long skul bihain long tem 1 skul holide, ankol na anti bilong mi i kros pait. Na ankol bilong mi i ranawe lusim Lae i go long Manus. Tasol mi no save long dispela samting.

Na long Tem 2 skul holide, mi go lukim ankol na anti bilong mi. Mi sore na kra i nogut stret taim mi

harim stori bilong tupela papamama bilong mi. Anti na ol haus lain bilong em i no lukluk gut long mi. Ol i no toktok o givim kaikai long mi. Olsem na mi hangre na mi go stilim popo long gaden na kaikai.

Taim mi laik go bek long skul long neks moning, mi go askim anti bilong mi long mani bilong baim bas. Tasol em i tokim mi long salim mi yet long kism mani. Laki mi gat K2 i stap we mi yusim long baim bas.

Long ol holide bilong mi nau, mi save stap tasol long skul. Mi no save go long anti bilong mi. Mi wari i stap bikos mi no gat hap bilong go.

Mi putim askim i go long pablik olsem husat manmeri i laik lukautim mi, em i orait tasol. Yu ken kism mi long dispela adres.

John Mark
Markham Valley High School
P. O. Box 879
LAE.

Olgeta memba mas stap long Palamen kibung

Dia Edita

Mi laik sapotim toktok bilong Spika bilong Nesenel Palamen, Bill Skate i bin kamap long *Wantok Niuspepa* long Ogas 19 long dispela ya.

Mi sapotim Mista Skate na tok olsem em i gat pawa long wokim disisen taim Palamen i holim kibung bilong en. Bihainim dispela astingting, em i ken rausim husat memba i bikhet long plua bilong Palamen.

Wan wan memba i mas save olsem mipela ol manmeri long

ples i votim ol long opim maus bilong ol na toktok long plua bilong Palamen. Na bringim sevis i go long mipela ol ples long ples. Mipela i no votim ol long pasim maus na sindaun olsem ol long-long man.

Planti memba i no save lusim Mosbi na i go raun long ilketert bilong ol. No gat tru stret. Ol i save lusim tingting long ol pipel bilong ol. Na stap long Mosbi tasol. Tasol Mista Skate i tok planti memba i no save kamap long Palamen

taim Palamen i holim kibung bilong en.

Mipela ol pipel i laik ritim long niuspepa wanem samting wan wan memba i opim maus na toktok long Palamen. Mipela i save lusim mani long baim niuspepa. Tasol mipela i save painim olsem sampela memba i no save toktok liklik.

Plis tru ol memba. Mipela ol pipel i no votim yupela long raun long Mosbi long ol gutpela ka, slip long gutpela haus na hotel, raun long ol ovasis kantri, dring bia na groim bel. Mipela i

votim yupela long makim mipela long Palamen long toktok na askim gavman long bringim sevis i kam long mipela. Mipela i votim yupela long helpim mipela. I no long dring bia na groim bel bilong yupela.

Long pinisim toktok bilong mi, mi laik tok olsem em bai moa gutpela sapos Spika i mas katim siting alauwens bilong husat memba i no stap long Palamen taim Palamen i holim kibung bilong en.

Joseph Kentama
HAGEN

Yumi olgeta i bilong PNG

Dia Edita,

Mi laik bekim pas bilong ol lain husat i bin wari liklik long pas mi raitim na i bin egensim mi.

Mi no bin amamas long ol lain i komplem long mipela ol pipel bilong hailans. Yupela i tok mipela i save pasim as tanget na raun long taun. Na yupela i tok mipela ol lain bilong bagarapim taun.

Dispela ol toktok bilong yupela i no gutpela. Sapos wanpela man Simbu i pasim tanget na raun long Kundiawa, yu man bilong arapela provins i no ken komplem. Dispela em i ples bilong em. Na em i gat rait long putim wanem kain klos em i laikim.

Yupela ol gutpela brata na susa long nambis i no ken kros long mipela ol lain bilong Hailans. Yupela i no ken daunim nem bilong mipela. Dispela em i no wanpela gutpela pasin.

Yumi olgeta bilong Papua Niugini. Olsem na yumi no ken daunim yumi yet. Mipela ol lain bilong Hailans tu i no ken daunim nem bilong yupela. Na sapos yumi olgeta i wokbung, ating bai no gat kain komplem na jeles namel long yumi.

Mi askim ol lain i save raitim pas long daunim nem bilong ples o man i mas stap long raitim pas i go long Edita. Bikos yu westim taim bilong yu.

Kundil Sap
KUNDIAWA

Air Niugini sasim bikpela mani long kago

Dia Edita,

Mi wanpela manki Wes Sepik. Tasol nau mi stap long Wewak, Is Sepik provins. Mi gat liklik wari olsem na mi laik autim long pablik long lukim.

Wari bilong mi i sut i go stret long ol lain long Air Niugini. Mi no amamas long Air Niugini balus kampani husat i save sasim bikpela mani tru long kago bilong ol pasindia.

Planti taim ol pasindia i laik go long arapela hap, Air Niugini i save sasim ol tu long kago ol i karim. Ol pasindia i lusim bikpela mani na yupela i no ken sasim ol gen long kago ol i karim.

Sapos wanpela man i laik salim kago tasol, ating i gutpela long yupela long tokim dispela man long baim balus long salim samting. Na tu sapos hevi bilong ol kago i moa long 100kg, i gutpela yupela i ken sasim ol dispela lain long baim.

Emil Lowi WEWAK

Dresap gut na autim tok bilong God

Dia Edita,

Mi wanpela manki long Sauten Hailans provins. Tasol nau mi stap long Mosbi siti. Mi gat komplem long mekim i go long sampela brata husat i save karim aut ris lotu long Mosbi.

Pastaim tru, mi amamas long ol brata husat i mekim gutpela wok bilong Bikpela God antap. Tasol wanpela samting mi no amamas long en em pasin we ol

brata ya i dres ap. Yupela i mekim wok bilong God, traim na putim gutpela klos we ol man bai i soim rispek bilong ol long yupela.

Mi no amams long sampela ol brata husat i putim traisis na siot i bruk wantaim wanpela o tupela baten i lus we i soim bros. Mi tok strong gen olsem long taim yu kism autris lotu i go long pablik, plis putim gutpela klos.

Mi save God Papa i no save lukluk long arasait bilong man, tasol yu mas soim yu yet olsem Jisas i stap insait long yu. Na soim olsem yu wokman tru bilong God.

Em tasol liklik wari bilong mi. Husat brata o susa i laik sapotim o egensim mi, bai mi amamas tasol long lukim bekim bilong yu long *Wantok Niuspepa*.

Tony T. Yambakey
CIS BOMANA

No ken pasim laik bilong ol manmeri

Dia Edita,

Mi wanpela wokman bilong Luteran sios long Kianu seket insait long Simbu provins. Mi laik bekim pas bilong Samson S. Sull i bin kamap long *Wantok Niuspepa* bilong Novemba 4.

Brata, yu tok long ol man i wok long salim tiket bilong sip long sekim gut pastaim hamas bet i stap long ol pasindia i sindaun na slip long en. Na wanem hap long kantri ol laik go long en.

bilong mipela ol hailans man. Sapos mi stap long Kundiawa na mi laik go long Lae, em mi redi long go lukim pren o wantok bilong mi. Mi kalap tasol long wanpela bas i go long Lae. Maski bas ya i pulap o nogat.

Sapos bas i pulap, mi nap sindaun tasol long ain o ples bilong putim ol kago long en. Bikos bikpela tingting bilong mi em long kamap long Yes, dispela em i stret. Tasol mi laik tokim yu long pasin

Lae o ples we mi laik go long en. Na mi no wari sapos mi sindaun o slip long gutpela hap o nogat. Olsem tasol, mipela ino inap long pasim laik bilong ol manmeri husat i laik go long balus, sip o ka. Mi no ting mitupela i bosim laik bilong ol manmeri husat i laik raun long wanem hap bilong PNG.

Em tasol hap toktok bilong mi.

John Nonem
SIMBU.

Maski pilai long nem bilong Jisas

Dia Edita,

Mi laik sapotim pas bilong Andrew Dhai. Pas bilong em i bin kamap long *Wantok Niuspepa* long Disemba 9. Dhai i no laikim ol man i raitim nem bilong Jisas nating long ka o PMV bas.

Yes, dispela toktok bilong em i tru. Mi save lukim ol man i raitim nem bilong Jisas long sait bilong bas. Tasol wanpela samting i rong

em ol dispela lain i no save bihainim toktok bilong Jisas long Baibel.

Ol draiva bilong bas i save kaikai buai, smok na dring bia long ka. Dispela i no bihainim pasin em God i laikim. Ol i save mekim kain kain tok nogut tu long bas.

Long wanpela taim mi rong long wanpela bas na long sait bilong bas ol i raitim "Jesus is the

way." Draiva bilong bas i bin mekm nabaut na smok na kaikai buai long bas. Dispela i no bihainim stret toktok bilong Baibel.

Mobeta mi askim ol papa bilong ka na PMV bas long rausim ol kain gutpela hap tok olsem. Bikos dispela ol i pilai long nem bilong bikpela Jisas Kraiss.

Mathias Keseve Getio
GOROKA

Gavman mas stapim bia long kantri

Dia Edita,

Mi laik autim wari bilong mi i go long nesenel gavman na ol arapela lida long kantri.

Mi laikim nesenel gavman i stapim olgeta lain long salim bia na pasim tu olgeta fekotri bilong wokim bia. Dispela wari bilong mi em i wanpela bikpela wari.

Nā mi save olsem planti ol arapela lain bai sapotim toktok bilong mi.

Dispela samting ol i kolim "Bia" i bagarapim pinis laip bilong sampela gutpela lain long kantri. Planti gutpela yangpela manmeri i save dai bikos ol i bungim hevi bihain long ol i dring bia.

Bia i save kamapim pait namel long ol famil na em i save helpim tu long brukim marit. Bia i save mekim ol draiva i long long nabaut na bamim ol arapela ka o

ol yet i go na bam na dai. Bia i save helpim long kamapim ol arapela liklik trabel bihain long ol man i dring ol i save mekim nabaut long ol arapela lain.

Sapos kantri bilong yumi i laik stap gut na develop, mi askim gavman long stapim bia.

Taim gavman i stapim, ating bai i gat planti gutpela senis i kamap.

No gat planti namba bilong man bai dai long kain pasin bilong bam long ka. Ol man bai bam long ka tasol namba bai go daun.

Planti lain bai no inap tingting tumas long dring. Ol bai tingting long wok na dispela bai helpim yumi long develop.

Gavman i mas tingting long pipel bilong em pastaim na bihain em i lukluk long oraitim ol kain rabis bisnis. I tru olsem planti mani. Tasol yumi mas stapim long helpim ol pipel.

Wai Morris
BOROKO.

Painim ol pren

Dia Edita,

Mi wanpela boi long Alkena Tambul distrik long Westen Hailans provins. Mi wok long painim ol wanskul bilong mi. Nem bilong ol em: Simon Mase Yareme, Jimmy Kir, Joseph Ande Yaruma na Las Rapindi Boi.

Em hia adres bilong mi: Simon Norbeth Yaruma
P O Box 388
Mt Hagen, WHP

Husat i laik salim pas i kam long Edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko, NCD.

Bas stop na kona bilong stua Em laik bilong ol Tolai na Sepik kamap olsem maket ples

Dia Edita,

Mi laik autim wanpela wari bilong mi long *Wantok Niuspepa*. Mi wari bikos long nau i gat planti maket tumas long Lae siti. Moa yet long ol liklik ples nabaut i no hap tru bilong salim ol samting long en.

Orait, long Lae top taun bas stop, mi save lukim planti brata na mama bilong hap bilong Hailans i salim

buai na smok arere bilong bas stop. Dispela eria nau i kamap olsem maket ples.

Ol manmeri stret bilong ples i wokim gaden na bihain kam salim ol kaikai samting long maket.

Mi egensim tru dispela pasin bilong salim ol buai, smok na ol liklik samting olsem long bas stop, sait bilong stua na kona nabaut. Yupela i laik giaman

tasol na ol manmeri bai baim kabul, buai na wanem samting moa. Plis, yupela i go long ples, sindaun long graun bilong yupela stret na kamapim ol gutpela samting em yupela i ken kisim mani long en. No ken sindaun les na strong long salim tasol ol buai na smuk long ol liklik hap kona nabaut.

Tua Sali LAE

Ol gospel singsing i gutpela

Dia Edita,

Mi wanpela manki Erave long Sauten Hailans provins. Mi laik bekim pas bilong Paul Mendaki Sipani bilong Baiya Riva eria long Hagen.

Long pas bilong em, Mendaki i tok em i no amamas long ol musikman i singim ol gospel singsing. Mi no gat tok-

tok long ol gospel singa. Bikos ol i lip-timapim nem bilong Papa God.

Mi laik tokim ol manmeri husat i wokim kain kaset na apim nem bilong ol meri long stapim dispela pasin.

Mi no save laik stret long harim ol dispela singsing. Mi save

ranawe taim mi harim dispela kain singsing.

Tasol mi save laik harim ol gospel singsing tasol. God i givim sampela long yumi gutpela nek long lip-timapim nem bilong em. Yumi mas tingim dispela.

Willie Kapei MENDI

Ol ami save giamanim ol meri

Dia Edita

Mi laik bekim pas bilong wanpela manki long Moem Bareks long Wewak. Pas bilong em i bin kamap long Epril 8. Em i bin tok olsem ol meri Sepik ol i no ken sek sek long ol grinpela siot.

Plis, taim mi ritim dispela pas bilong em, ol tok em i mekim i no gutpela tumas. Ating yupela ol soldia mas pinisim kain pasin bilong yupela long giamanim ol meri Sepik. Yupela save olsem yupela ol marit man na yupela wok long giamanim ol meri. Traim na yusim het bilong yupela. Dispela kain pasin i no gutpela long ai bilong God papa.

Yupela save putim ol grinpela siot na yupela save ting olsem yupela ol man tru. Dispela kain pasin yupela save wokim na ol meri bilong yupela save krosim ol meri nating. Na tu dispela kain pasin i no save kamap long ol meri Sepik tasol. Yupela save go long Buka na save giamanim ol meri Buka. Tasol ol meri Buka i save long kain pasin bilong yupela na i no long long bilong yupela. Mi save lukim yupela wantaim ol meri Buka na mi save em kain pasin bilong yupela.

Mi laik tokim yupela olsem yupela ol kusai man stret ya. Sopas

yupela kam long ples, bai yupela ol skin dai man stret ya. Hap wok bilong yupela em long raun long taun tasol.

Olsem na yu dispela soldia i bin raitim dispela pas, yu mas tingting gut pastaim na tu yupela ol meri Sepik yupela save seksek tumas long ol ami. Ol meri yupela save luk-save gut long ol man o save seksek tasol long mani.

Sopas yu husat i laik sapotim o bekim pas bilong mi, rait i kam tasol long *Wantok Niuspepa*.

Beronika Tsirang Hangan Viles Buka Ailan

LAIKIM PENPREN

Nem: Munasi Zia

Krismas: 16

Adres: Iora Block-381, Kokoda, Popondetta, Oro Province

Save Laikim: Lukim Tv, harim musik, pilai soka na raitim pas.

Nem: Donald Haiwa

Krismas: 18

Adres: College of Distance Education, P O Box 583, Wewak, ESP

Save Laikim: Stadi, raitim pas, ritim mekesin, pilai gita na lukim vidio.

Nem: Robin Gusa

Krismas: 19

Adres: P O Box 802, Wewak, ESP

Save Laikim: Danis, raitim pas, waswas long solwara na tok pilai.

Nem: Reuben Korey

Krismas: 19

Adres: P O box 802, Wewak, ESP

Save Laikim: Pilai basketbal, harim musik. go lotu na stori wantaim ol poroman.

Nem: Robbie James

Krismas: 19

Adres: P O Box 709, Lae, Morobe Province

Save Laikim: Stretim ol ka, waswas long nambis na raitim pas.

Nem: Tanawe Gatnabaku

Krismas: 21

Adres: P O Box 499, Lae, Morobe Province

Save Laikim: Raitim pas, harim musik, raun long bus na wantaim ol pren na ritim niuspepa.

Nem: Mike Kamo

Krismas: 28

Adres: CIS Bihute, P O Box 960, Goroka, EHP

Save Laikim: Harim musik, pilai gita, lukim vidio, rait long penpren, senisim presen na serim tok bilong God.

Nem: Simon Nonga Sirie

Krismas: 21

Adres: P O Box 388, Mt Hagen, WHP

Save Laikim: Wok misin, go lotu, ritim Baibel, pilai gita na singim ol lotu singsing.

Nem: Wapu Mapi

Krismas: 16

Adres: P O Box 610, Kimbe, WBNP

Save Laikim: Harim tok bilong God, pilai basketbal na harim musik.

Dia Edita

Mi wanpela manki Is Sepik. Tasol nau mi stap long Kimbe. Mi laik bekim pas bilong husat brata na susa save komplek long ol Sepik na Tolai save komposim singsing bilong ol meri tasol.

Yu husat save komplek, ating pawa ben bilong Sepik na Tolai save bagarapim sindaun bilong yu stret ya. Planti taim mi save lukim long *Wantok niuspepa*. Sopas yu husat man o meri i save komplek long mipela ol Sepik na Tolai, inap yu go long CHM o Pasifik Gol studio long Rabaul o Mosbi na mekim wanpela solo bilong yu yet. Na bai mipela olgeta i ken harim sopos yu man tru. Olgeta singsing bilong yu mas tok Inglis na tok ples bilong yu yet. Nek na stail mas bilong yu yet.

Mipela ol Sepik na Tolai i no inap wari long tok

Bikhet pasin i no gutpela

Dia Edita,

Mi wanpela manki Kange bilong Hagen. Tasol nau mi stap long Ramu Suga. Mi laik stongim ol yangpela manmeri long bihainim gutpela rot na sindaun bilong ol long ples, komyuniti na kantri i ken gutpela.

Mi no amamas long lukim bikhet pasin planti ol yangpela manki long dispela kantri i mekim long dispela taim. Olsem na mi askim yupela olgeta long stap isi. Yu husat i wok long mekim nabaut, plis stapim dispela pasin nau.

Yupela i mas kisim gutpela tingting na harim tok liklik. Yupela i no pikinini bilong dok na pik. Yupela i mas save olsem yupela i pikinini bilong man. Na kontrolim yupela yet.

Orait, long hap bilong Ramu Suga, mi lukim planti ol yangpela manmeri i raun nabaut na bagarapim bodi bilong ol yet. Na i no long Ramu Suga tasol. Wankain samting i kamap long ol arapela hap bilong kantri.

Yu wanpela long ol dispela lain, plis mi tokim yu olsem God i no mekim yu long wokim bikhet pasin. Traim na stap Isi wantaim papamama bilong yu. Na bihain yu ken painim gutpela poroman yu ken stap amamas wantaim long laip bilong yu.

John Mak Ramu Suga

Plis no ken rait na komplek long wankain samting tasol

Dia Edita

Mi gat wanpela liklik wari. Mi laik autim dispela wari bilong mi na ol arapela rida bilong *Wantok Niuspepa* i ken ritim.

Wari bilong mi i olsem planti taim mi save ritim olsem planti manmeri i save rait na komplek wankain samting tasol. Wanpela gutpela eksampel em ol i save komplek long ol meri i putim trausis o long ol musik manmeri long kantri.

Mi laik tok olsem em bai i moa gutpela sapos mipela ol rida bilong dispela *Wantok Niuspepa* i rait na komplek long ol arapela nupela samting. I gat planti gutpela samting i stap em mipela i ken

bilong yu. Mipela bai wokim ol singsing bilong ol meri yet. Mipela i no komposim singsing long susa o meri wanples bilong yu. Ating tupela singsing ya mas bagarapim sindaun bilong yu ya. Manus Provinsal So na Swit Kathy i bagarapim sindaun bilong yu na yu komplek.

Yu husat save komplek, pasim maus bilong yu na stap isi. Mi yet save pilai long PS Duet long Saiho Helt Senta long Popondeta. Tasol nau mi stap long Kimbe. Sopos yu husat man o meri laik sapotim mi o i gat bel hevi long mi, rait tasol long *Wantok Niuspepa*.

Ex PS Duet

Naisu Baite

KIMBE

Wokim penpren long gutpela pasin

Dia Edita,

Mi wanpela lus manki Wes Sepik. Tasol nau mi stap long Wewak taun. Mi gat wanpela wari na mi laik autim long *Wantok Niuspepa*.

Komplek bilong mi i sut i go long ol lain husat i save raitim pas long mekim penpren long pas. Sampela man i save giamanim ol meri. Na ol meri tu i save giamanim ol man. Dispela kain pasin i no gutpela. Bikos penpren em i no bilong mekim pren tru long marit.

Pasin bilong gutpela penpren em long raitim pas na senisim ol samting na askim long sindaun dispela penpren i gat. Em i bilong yu long senisim tingting wantaim na luksave long sindaun bilong ol long ples bilong ol.

Tasol sampela lain i save giaman na tok ol i save wok na tu papa bilong ol i gat bikpela bisnis. Na sampela i save giaman tu long krisman na ples ol i kam long en.

Mi lukim dispela kain pasin i no gutpela. Yu no ken giamanim ol arapela man o meri. Yu mas tok tru. Bikos ol pren bilong yu i laik save long wanem kain man o pasin yu gat. Na ol i laik save tu long wanem ples yu kam long en.

Maski long westim taim na giamanim ol pipel. Sapos yu man o meri bilong giamanim ol pen pren bilong yu, mi askim yu long lus tingting long raitim pas long penpren. Bikos yu westim taim na mani long giaman.

Emil Lowi WEWAK.

rait na komplek o autim wari bilong mipela. I no gutpela mipela i komplek long wankain samting tasol.

Narapela samting mi laik toktok long en em mi no save amamas tru long ritim ol manmeri i rait na resis long soim save ol i gat long Baibel. Mi ken tok olsem dispela em i no wanpela Kristen pasin.

Bikos Papa God i no laikim yumi long resis na soim hamas save yumi gat long Baibel. Papa God em i laikim yumi long wokbung wantaim na mekim wok bilong em. Em i no tokim yumi long wok resis.

Pamuk pasin save bagarapim famili

Dia Edita,

Mi laik sapotim toktok bilong W. Jack bilong Kimbe i bin kamap long dispela niuspepa. Brata ya i bin toktok long ol K2 meri long taun.

Mi wanpela man husat i stap long Vanimo taun long Wes Sepik. Long nau mi lukim planti yangpela meri i karim pikinini i no gat papa. Na givim pikinini long ol narapela manmeri long lukautim.

Mi no amamas tru long lukim dispela kain pasin. Wanem kain tingting na pilim bilong yupela ol dispela lain meri husat i wokim dispela pasin ya? Pasin oilong yupela ol dispela kain K2 meri i no save

pinis. Yupela i pilim olsem yupela i no gat hevi long skin bilong yupela na i save go het yet long wokim wankain pasin? Raur: wantaim ol singel na marit man na kamapim ol kain hevi long ol famili bilong ol marit man.

Long Vanimo yet(na tu long ol narapela provins), planti marit man i paul wantaim ol singel meri. Na sindaun bilong famili i wok long bagarap. Bikos long dispela paul pasin tasol.

Mi laik tok strong long yupela olgeta manmeri insait long PNG long lukaut. Bikos yumi stap yet long olupela Testamen. Papa God i ken kilim o rausim yumi.

Tasol long nau, yumi stap aninit long marimari bilong Jisas Krai. Na yumi wokim planti bikhet pasin.

Tasol buk Baibel i tok olgeta samting bai i pinis. Na Jisas yet bai i kisim yumi wan wan. Tingting gut olgeta brata na susa olsem yumi stap aninit long strong bilong Jisas.

Cletus Sono, VANIMO.



BISNIS LONG PAPUA NIUGINI

BSP opis long Buka bai op long mun Me

WANPELA bisnis beng insait long kantri, Beng bilong Saut Pasifik (BSP) i tokaut pinis long kirapim gen han bilong en long Buka insait long Not Solomons provins.

BSP i bin pasim opis bilong en long Buka bihain long ol hevi i kamap bikpela olgeta.

Siaman bilong BSP, Alfred Daniel i sekim pinis olpela hap beng i stap long en. Na em i tokaut olsem ol bai opim gen han bilong BSP insait long 6-pela mun.

"Bipo mipela save wok tasol long wanpela, liklik han (sab brens)

bilong BSP long Buka. Tasol taim dispela nupela opis i op, em bai sanap olsem wanpela bikpela han bilong olkain bisnis samting," Mista Daniel i tok.

Em i tok dispela tingting bilong BSP i soim wanem kain bilip na laik em beng i gat long wokbung wantaim ol pipel bilong Not Solomons provins.

"Mipela i laik kirapim gutpela wokbung insait long ol wok bisnis, kirapim na wokim ol haus na ol arapela program long Buka na ol bikples insait long Not Solomons," Mista Daniels i tok.

Em i skruim toktok tu olsem BSP i amamas long kamap olsem namba wan praivet beng bilong PNG yet. Olsem na em i amamas tasol long go het na bungim wanem kain wok em ol samting bilong Not Solomons bai bringim na kamapim long dispela taim.

"Mipela bai luksave yet long dispela kain strongpela sapat na wokbung em mipela i bin kisim long ol kastoma maski bihain long opis i pas na ol hevi i kamap bikpela.

"Bikos taim opis long Buka i pas, ol lain

bilong mipela long Buka i save kisim samting olsem wan tausen akaun bilong ol pipel long Buka na bikples Bogenvil," em i tok.

Mista Daniels i tok i gat bikpela sans yet bilong kirapim ol wok bisnis na kain kain arapela program long ailan. Na wanpela samting ol bai lukluk na traim givim bikpela helpim em long ol hausing skim bilong wokim ol haus.

Em i tok, "Mipela bai glasim na skelim gut ol samting na givim gutpela mak bilong mani samting bilong ol long wokim gen ol gutpela haus bilong stap long en."

BSP i bin kirapim namba wan opis bilong en long Buka long 1983. Na 5-pela yia bihain long 1988, ol i go wok long nupela opis bilong ol i kam inap long taim ol hevi i kamap.

Mista Daniels i tokaut tu olsem wanem samting i stap yet long bokis mani bilong BSP Buka brens long taim bilong ol hevi bai go long wok program bilong kirapim na stretim gen ples. Ol i no bin opim dispela bokis mani bihain long ol hevi samting, olsem na olgeta samting i stap insait bai go long wok marimari program.



Presen bilong ol disebel...Chevron kampani bilong painim wel long Kutubu i givim gutpela helpim tru. Ol i givim K4,000 i go long Red Cross (Mis PNG Sharon Onsa long raitan na Sue Darby) bilong helpim ol yaupas na disebel pikinini.

Han bilong Rurel Developmen Beng kirap long Buka

WANPELA opis bilong Rurel Developmen Beng i kirap pinis long Buka insait long Not Solomons provins.

Long helpim ol wok bilong dispela beng, gavman i givim ol K1.5 milien bilong ol pipel na bisnis grup long dinau na kirapim ol wok bilong ol insait long provins.

Ol ripot i tok olsem dispela i kamap bikos ol pipel yet i soim bikpela laik bilong ol long helpim kirapim ol wok samting gen long provins. Na ol i bihainim stretpela rot bilong mekim ol samting.

Long wanem ol ripot i tokaut tu olsem ol pipel i soim ples klia olsem ol i laik kisim bek ol graun na samting bilong ol. Ol i laik kirapim ol wok didiman na ol arapela bisnis long helpim ol yet wantaim ol famili na komyuniti bilong ol.

Na wok bilong dispela Rurel Developmen Beng bai givim bikpela han tru long kirapim gen ol wok didiman na wok bisnis long Bogenvil ailan.

Dispela han bilong RDB bai sanap long Buka na i bilong helpim olgeta pipel bilong provins.

Wingti amamas long matres faktori bilong Madang

BEN TAUMAI i raitim

GAVMAN i tingting long salim sampela ensinia bilong en i go long Madang bilong lukluk long wanem helpim ol i ken givim long Dulup Matres faktori long Not Kos.

Praim Minista Paias Wingti i toktok long dispela samting bihain long lukluk raun bilong em i go long Madang long las wiken. Dispela i bihainim wanpela askim bilong memba bilong Madang Open, Stanley Pil.

Dispela faktori i save mekim ol matres long skin bilong kokonas. Na dispela em i wanpela bilong ol kain faktori olsem insait long wol. Wanpela i stap long Swisalen na narapela long Amerika.

Papa bilong faktori, Brett Middleton i bin kisim Mista Wingti i go lukim bisnis bilong em na em i bin amamas tru long lukim ol kain wok dispela bisnis i kamapim.

Dulup Matres i save salim tu ol matres bilong en i go long Australia, Nu Silan na Amerika.

Mista Wingti wantaim Foren Afeas minista John Kaputin na Hausing minista, John Jaminan wantaim ol opisa bilong en i bin go long Madang long nupela Galp Strim balus bilong Singapo.

Gavman bilong Singapo i laik salim dispela balus long PNG gavman. Na kos bilong en bai inap long K26 milien. Balus ya i bin mekim traim ron bilong en i go long Madang. Na planti pipel tu i bin amamas long Mista Wingti na ol lain bilong em i go long hap.

Memba bilong Madang Open Stanley Pil, Rijonal memba bilong Madang Peter Barter, edministreta bilong Madang Wep Kanawi na Provinsal Plis



Mista Middleton i soim Mista Wingti long masin i save wok olsem wanem.

Komanda, Sief Inspekta Robert kalasim tu i bin stap long bungim praim minista wantaim ol lain bilong em.

Exchange Rates

PNGBC

Bank buys at:	Notes	T/T
Australia	1.5396	1.5075
USA	1.0536	1.0254

Bank sells at:

Austria	11.92
UK	0.6795
USA	0.9920
Solomon Islands	3.2614
China	5.8487
Fiji	1.5459
Hong Kong	7.8021
India	31.251
Japan	112.00
New Zealand	1.7905
Philippines	27.685
Singapore	1.6055
Switzerland	1.4620
Germany	1.2737

Gold rates (in US\$):	
per ounce	\$387.2
per gramme	\$12.45

RABA

Gavien faktori (ESP) - 21 1/2 kg
Doa faktori (Sentrel) - 36 1/2 kg inap long 39 1/2 kg

KADAMON

Prais bilong kadamon em A. T. Agri Agency Pty Limited long Madang i tokaut long en i stap olsem:

Drai long san: K1.40
Hot Air Drai: Yelo/Wait - K2.25
Hot Air Drai: Grin - K3.25
Pikinini Kadamon: K2.50
Lombo gret wan: K1.60
Lombo gret tu: K1.40
Lombo gret tri: K0.80

A. T. Agri i lukautim Kobum Spice em i stap long Bundi we planti ol kadamon i save kam long en.

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
4/10	5/10	6/10	7/10	8/10

Pe ol baiya sasim long papa bilong fementri				
K713	K711	K719	K719	K707

Sapot prais				
K500	K585	K585	K585	K585

Prais ol papa bilong fementri i kisim				
K1213	K1296	K1304	K1304	K1292

Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

PRAIS BILONG OL BENSIN

Kos long wanpela lita

Ex Pump (wantaim takis)	
Petrol	50.5 toea
Disil	39.3 toea
Kerosin	45.5 toea

KOPI

Pe bilong drai arabika na robusta kopi long wanwan kilogram long Dec 9, 1993.

Dispela i karamapim prais bilong kopi long dua bilong faktori, na i no long sait bilong rot.

Arabika:	
National	K110 to 165
Kainantu	K160 to 165
Goroka	K155 to 160
Kundawa	K145
Minz na Banz	K140 to 130
Wapenamanda	
Mendi	
Hagen	K125 to 140
Lae	K110 to 150
Erap	K130
Mumeng	K140
Wau/Bulolo	K110
Madang	K130
Wasu	K120

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta:	
Is Sepik	K90 to 100

Ripot bilong ol arapela senta husat i save groim robusta kopi i no kamap.

KOPRA

Pe bilong kopra i go antap nau long K50 long wanwan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

	Smoke	K250
	F.M.S	K250
	Hot Air	K255
Na pe bilong kopra long ol liklik depo i stap olsem:		
SAMARAI	Smoke	K218
	F.M.S	K220
	Hot Air	K203
KANDRIAN na NAMATANAI		
	Smoke	K215
	F.M.S	K217
	Hot Air	K220
BUKA		
	Smoke	K214
	F.M.S	K216
	Hot Air	K219
FINSCHHAFEN		
	Smoke	K210
	F.M.S	K212
	Hot Air	K215
LORENGAU		
	Smoke	K205
	F.M.S	K207
	Hot Air	K210
KARKAR		
	Smoke	K215
	F.M.S	K217
	Hot Air	K220

CMB nau bai i no inap long kisim moa prais sapot long Gavman. Dispela i stat long Janueri 1, 1993.



BRIGHTEN YOUR DAYS WITH SCHWEPPE'S



RAINBOW T-SHIRT PROMOTION NOW ON

Traim nau ol dispela 5-pela Kain kain Schweppes Renbo
Sofdring na yu inap winim ol dispela pani na kala kala
Renbo singlis!

Rot bilong traim:



Bungim tasol ol aikor bilong ol dispela
Schweppes sofdring botol:

10-pela aikor bilong ol botol Passiona
sofdring,
10-pela aikor bilong ol botol Lemonade
sofdring,
10-pela aikor bilong ol botol Raspberry
sofdring,
10-pela aikor bilong ol
botol Lime sofdring, na

10-pela aikor bilong ol botol Pineapple sofdring.

Taim yu bungim olgeta dispela aikor pinis, yu inap
senisim ol nau na kisim wanpela singlis. (50 aikor long
wanpela singlis).

Stat dringim nau ol Schweppes sofdring na yu bai wanpela
bilong ol man husat bai putim wanpela Renbo singlis.

Dispela resis bai pinis long Janueri 31, 1994. Las de bilong
bungim olgeta aikor na traim resis em long Februeri 28, 1994
taim i gat ol singlis yet. Olsem na hariap nau!!



SP DISTRIBUTORS: AITAPE • W & R Parer • ALOTAU • Cheong Supermarket • Alotau Enterprises • Fifita Trading • BIALLA • Newtown Trading • BUKA • Buka Enterprises • CHIMBU • Simbu Wholesalers • Nikwai Dealers • DARU • Daru Trading • GOROKA • Lamana Wholesalers • Negiso's • KAINANTU • Spirit of Kainantu • KAVIENG • Bisi Trading • Joseph Tong & Co • Niuiland Traders • KEREMA • Nings Trading • KIMBE • Spirit of West New Britain • KIUNGA • Progressive Traders • KOKOPO • Spirit of Kokopo • KUNDIAWA • Sika • Nikwai • LAE • Andersons • C & B Chee • Seeto Kui • Sullivans • Voco Point Trading • W & N Seeto • Rabtrad • MADANG • Rabtrad Madang • Ho Kit • M & S Tsang • Olamba Trading • Bogia • MANUS • Manus Traders • MAPRIK • Garamut Enterprises • MENDI • Kips Liquor • Sullivans • MT HAGEN • Sullivans • POPONDETTA • Kumusi Traders • Popondo Trading • Wing Hay • PORT MORESBY • Jimm Trading • JJ Wholesalers • Patrick's Transport • Choulai Trading • Seeto Kui & Co • R H Trading • Terimal Trading • P & B Cheung • SCS Trading • Papuan Produce • PORERA • Pogera W/S • RABAUE • Andersons • Rabtrad • Spirit of Rabaul • VANIMO • Vanimo Trading • WABAG • Kips Liquor • Sullivans Wholesale • WEWAK • Garamut Enterprises Pty Ltd • George Seeto & Co • Tang Mow (1960) Pty Ltd • Wirui Trading

Gavman tok ol pipel kisim sevis...tasol ol i kraai yet

Dia Rida,

Pastaim long mi go het na tokim yu wanem samting i stap long tingting bilong mi, mi laik salim bikpela Hepi Meri Krismas na Nu Yia Griting long yu. Mi bilip olsem 1993 em i bin wanpela gutpela yia bilong yu. Na mi bilip olsem nupela yia 1994 bai gutpela tu long yu.

SAMTING olsem 6-pela yia bihain long Papua Niugini i kisim independens, wanpela hap tok i save kamap long maus bilong planti manmeri em "DEVELOP-MEN".

Dispela gutpela yia 1993 klostu bai pinis nau. Na nupela yia bai kamap. Insait long dispela nupela yia kain kain senis, pasin na samting bai kamap. Tasol dispela hap tok developmen bai stap yet long maus bilong ol manmeri long taun na tu long ples. Sapos yumi glasmim gut bai yumi luksave olsem ol manmeri long taun i no save toktok tumas long developmen. Ol lain husat i save toktok tumas long developmen em ol manmeri long ples.

Long ol manmeri long ples, developmen em ol sevis bilong gavman olsem haus sik, et pos, helt senta, skul, wara saplai, gutpela rot, gutpela prais bilong ol kes krop olsem kakao, kopra na kopi, gutpela wokbung namel long ol na provinsal gavman bilong ol, i mas i gat mani long helpim ol yangpela manmeri long ples na tu planti arapela samting. Developmen long ol manmeri long ples i min olsem sindaun bilong ol i mas kamap gutpela. Olgeta sevis bilong gavman i mas ran gut. Bikos taim ol i nidim dispela ol sevis, ol i mas go na yusim. Na i no long ol i go na painim olsem dispela ol sevis i no stap

o i no ran gut.


Insait long las 17 yia i go pinis na tu long dispela yia, nesanel gavman wantaim ol provinsal gavman i bin toktok long developmen. Ol politisen i wok long tok olsem Papua Niugini i wok long develop. Ol pipel long ples i wok long kisim ol sevis bilong gavman. Nesanel gavman i tok em i gat bikpela amamas. Bikos olgeta polisi bilong en i wok long ran gut. Na ol pipel long ples na rurel eria i wok long kisim sevis bilong gavman.

Wanpela gutpela eksampel em gavman bilong Praim Minista Paias Wingti i tok olsem ol pipel long ples na rurel eria, aninit long Viles Sevis Skim i wok long kisim gutpela helpim i kam long gavman bilong em. Bikos aninit long dispela skim, mani i go stret long ol pipel long ples. Na ol pipel i lukim kaikai bilong dispela mani.

Aninit long dispela skim, Minista bilong Provinsal Afeas na Viles Sevis, John Nilkare i tokaut olsem nesanel gavman bai givim K41 milien i go long lokol gavman long baset bilong narapela yia.

Ol lokol gavman bai yusim dispela mani long provaidim ol sevis bilong gavman long ol pipel. Bikos nesanel gavman i bilip olsem lokol gavman i stap moa klostu long pipel.

Dispela yia olsem mi tok pinis bai pinis



na paitim toktok wantaim ol. Na painim sampela kain rot long helpim ol long painim gutpela sindaun long ples na komyuniti. Ol pipel long ples i wok long tok olsem rot bilong ol i bagarap, bris i bagarap, et pos i bagarap, helt senta o haus sik i no gat inap wokmanmeri na marasin, skul i bagarap, ol politisen i wok long paulim na yusim mani krangi na i no bringim sevis i go long ol. Ol pipel long ples i wok long tok olsem prais bilong ol kes krop olsem kakao, kopra na kopi i wok long go daun. Mekim na ol i no kisim gutpela mani taim ol i salim dispela ol kes krop.

Bihainim dispela hevi, wanpela askim i mas stap olsem: Wanem taim bai olgeta pipel long ples i kisim gutpela sevis bilong gavman? Wan wan provinsal na nesanel memba i mas askim dispela kwesten long em yet. Na long wankain taim i mas askim em yet sapos em i wanpela gutpela na trupela memba husat i wok long givim trupela helpim i go long ol pipel bilong em.

Long luksave na tingting bilong mi, gavman i wok long spenim bikpela mani long ol bikpela samting tasol. Na tok olsem olsem developmen i wok long kamap na ol pipel i wok long kisim sevis bilong. Gavman i no glasmim na luksave long ol liklik samting em bai mekim ol pipel long ples i painim gutpela sindaun. Gavman i

pela proyek o program. Na taim gavman i bihainim dispela ol proyek o program na spenim mani, ol pipel long ples bai kisim gutpela sevis. Na long wankain taim ol bai traim long stretim laip na sindaun bilong ol long ples na komyuniti.

Gavman i tok ol pipel i kisim sevis. Tasol long tingting bilong mi, gavman i mas tokaut stret ol pipel long wanem hap tru.

Helt program bilong helpim ol mama na pikinini kirap nau

RODNEY KAMUS i raitim

INSAIT long Papua Niugini, i gat kain kain sik i save bagarapim ol pikinini wantaim ol mama.

Ol kain sik olsem pekpek wara, sik bikbel, aipas, lek krungut na ol mama tu i save dai taim ol i karim nupela bebi.

Dispela ol sik na indai i kamap long wanem ol pikinini i no save kisim gutpela kaikai o i no kisim marasin bilong stapim ol dispela sik taim ol i bebi yet.

Planti pikinini na ol mama i save dai long ol dispela sik. Namel long ol kantri insait long Pasifik, PNG em i namba wan tru long ol dispela hevi bilong ol pikinini wantaim ol mama.

Hap bodi bilong Yunaited Nesens i save wok wantaim ol pikinini, UNICEF i luksave long ol dispela hevi na i kamapim wanpela program bilong traim daunim ol. Dispela program bai stat long 1994.

UNICEF i kolim dispela program olsem PNG Child Survival Crash Program bilong 1994. Na as tingting bilong dispela program em bilong helpim long kamapim gutpela helt kea program bilong ol pikinini na ol mama.

Program ya bai kamap long wanem ripot bilong UNICEF i tok olsem:

- PNG i gat bikpela namba tru bilong ol pikinini i save dai em krismas bilong ol i no winim 5 yia insait long Pasifik. Namel long 14 na 15 tausen pikinini long PNG i save dai long olgeta yia;
- 50 pikinini i save dai long ol liklik sik em yumi ken stretim na 50 i save kisim bagarap long bodi bilong ol bihainim ol dispela sik;
- Samting olsem 40 pesen pikinini i no save kisim gutpela kaikai bilong bodi long PNG;
- Planti mama tu i save dai taim ol i karim ol bebi na insait long PNG,

wanpela mama namel long 22 bai kisim dispela bagarap long wanpela yia.

- Planti pikinini i no save kaikai inap sol olsem na ol i save painim kain kain sik i save bagarapim bodi olsem aipas, yaupas, longlong na ol narapla sik bilong bodi; na
- Planti pikinini long PNG i no save kisim banis sut bilong ol bebi bilong was long bodi long ol narapela sik.

Long dispela as na Nesanel Dipatmen bilong helt i bung wantaim opis bilong praime minista, Dipatmen bilong Provinsal Afeas na Viles Sevis, Dipatmen bilong Infomesen, Edukesen, Egrikalsa, Hom Afeas na Yut, Child Welfare Kaunsil, Nesanel Kaunsil bilong ol Meri, PNG Kaunsil bilong ol Sios, ol non-gavman oganaisesen (NGO) wantaim ol lain bilong praivet sekta long kirapim dispela program bilong 1994.

Dispela program bilong go het long 1994 bai lukluk na helpim ol haus sik, helt senta na het pos long:

- trenim ol nes na doktaboi long kamapim ol liklik wok bilong helpim ol mama na pikinini long ol haus sik, helt senta na edpos;
- lainim ol mama long we bilong abrusim ol sik bilong pikinini na we bilong lukautim haus long ol sik;
- kirapim bek ol wok bilong helt olsem stretim sindaun bilong ol wokman bilong haus sik, stretim gen ol haus sik, givim inap saplai bilong marasin na ol samting bilong wok. Na tu givim trening long ol nes na doktaboi bilong ol helt senta na edpos;
- karim sevis i go aut long ol lain i stap insait long bikbus tru na tu kirapim bek dispela MCH patrol na ol narapela sevis;
- luksave na sapatim ol provinsal helt sevis long ranim ol edpos, helt senta na ol haus sik; na
- luksave na givim mani long kirapim sampela moa nupela edpos.

Bank of South Pacific Limited
INCORPORATED IN PAPUA NEW GUINEA

SIAMAN, BOD BILONG
OL DAIREKTA, WANTAIM OL
WOKMAN NA MERI BILONG
BANK OF SOUTH PACIFIC

I laik tok Long olgeta lain
husat i save
putim mani,
kisim mani na
wokim bisnis
wantaim mipela,

**MERI KRISMAS
na GUTPELA
NU YIA**



KANAGE

em mi tasol,yah!

Kanage i bilong Sepik. Tasol em i save stap long Lae. Wampela taim em i kalap long wampela sip ol i kolim Kondor na i laik go long Rabaul long lukim sampela wantok bilong em. Antap long sip i gat tu wampela yangpela meri Tobras i stap. Taim sip i go kamap long Siassi, solwara i rap olgeta. Solwara i bruk bikpela na sip i go i kam long tupela sait wantaim. Mekim wampela ol pasindia i pret nogut tru na singaut nabaut. Dispela yangpela meri Tobras i sanap klostu long Kanage. Taim sip i go i kam long tupela sait wantaim, em i pundaun i stret i go long Kanage. Na em i tromoi tupela han bilong em i go stret long ples masali i stap long en. Dispela yangpela meri Tobras ya sem nogut tru na tok sori long Kanage. Kanage i mas pilim olsem ilektrik pawa i kisim em. Olsem na em i tokim dispela yangpela meri Tobras ya olsem: Pikinini, no ken wari. Wanem hap ya holim ya, holim strong. Bikos em i taim nogut ya.

Willie Anton
Ku Nava, WEWAK

Wampela taim Kanage i bin sik nogut tru na em i go long Vunapope haus sik long Kokopo long hap bilong Is Nu Briten provins. Em i go kamap long haus sik na wampela nes i sekim em givim em sampela marasin long dring. Kanage dring marasin pinis na dispela nes i tokim em long go insait long wampela liklik rum. Na wampela arapela nes meri bai givim em wampela sut. Kanage i go insait long dispela liklik rum na wampela nes meri i go insait na tokim em long rausim trausis bilong em na slip antap long bet. Taim Kanage i harim olsem em i kirap na askim dispela nes ya olsem: Sori nes, mi paul ya. Mi bai slip antap long bet pas o yu bai slip pas. Nes meri ya kirap na askim Kanage olsem: Bras, yu olsem wanem. Waia i lus o waia i paia. Mi no sik. Yu sik ya. Olsem na yu slip antap long bet na mi bai givim yu wampela sut. Kanage harim nes ya tok olsem na em i tokim em isi olsem: Sori tru nes. Mi ting olsem mitupela wantaim bai kisim sut ya. Olsem na mi tokim yu long slip antap long bet pastaim.

Mongo Tenepip
RABAU



Manubada ailan kamap olsem wanem



Bipo bipo tru long Mosbi i gat wampela traipela pisin i save stap antap long maunten bilong Sogeri na i save raun ikam daun long Ela bis long painim man long kaikaim taim em i hangere.

Long dispela taim nogat wampela waitman i krungutim Papua yet, na ol Rigo na ol Koiari man meri tasol i save stap.

Long dispela taim ol i save stap long nambis bilong Ela bis na igo daun olsem long Pari viles na Kilakila viles na igo moa.

Na ikam bek i go daun olsem Hanua bada viles, Baruni na Tatana na igo moa long ol arapela viles.

Taim ol i save harim singaut bilong pisin antap long maunten, ol i save olsem pisin yah i hangere na ilaik kam daun long painim abus long kaikaim. (Em ol manmeri tasol).

Nau ol manmeri bai hait long wampela traipela hul we pisin bai i no inap long painim ol.

Wampela de ol manmeri pasim tok long lusim ples bilong ol long nambis na go longwe tru long wampela hap

na hait long hap.

Nau de bilong en i kamap na olgeta manmeri, pikinini na dok pik wantaim oli lusim ples bilong ol long nambis na oli go long wampela hap ilongwe tru long traipela pisin yah.

Taim oli go, oli bin lus tingting long wampela yanpela meri husat i aipas na tu igat bel i silip i stap na ino save olsem olgeta pipel i lusim ples pinis.

Moning nau em i kirap na painim ol manmeri long ples. Nogat wan-

pela nois tru long ples. Ol pik na dok tu nogat. Tarangu meri yah wari tru. Em yet i stap igo na em i karim tupela pikinini man (twins). Em yet i lukautim ol igo na tupela i kamap bikpela na strongpela man tru.

Tupela i lainim ol yet long we bilong tromoi supsup na sut long bunara nau ol i go painim abus long lukautim mama bilong ol.

Wampela de tupela brata i tokim mama olsem ol i no save lukim wampela manmeri long ples na ol i bin harim singaut bilong dispela traipela pisin antap long maunten.

Nau mama i kirap na tokim olsem em i no save wanem hap tru ol manmeri bilong dispela ples i go na em i no save lukim dispela samting, tasol em i save harim singaut bilong em na pairap bilong em taim em save kam daun long nambis na mi save pret na hait long samting yah.

Nau tupela bois i kirap na tokim mama bai oli go painim dispela traipela pisin na i kilim indai na bihain bai oli painim ol pipel bilong ol na karim ol i kambek long ples bilong ol stret.

Tarangu mama i wari tru tasol ol bois i tok em i orait na oli go.

Tupela wokabaut i go antap long maunten bilong sogeri na oli malolo klostu long wampela traipela wara i pundaun antap long maunten i kam daun (Nau ol i kolim Rouna fols) na kisim win i

stap. Tupela dring long dispela klin na kol wara i stap na oli harim krai bilong dispela traipela pisin ken, tasol dispela taim pisin yah stap klostu long ol stret.

Nambawan brata i ron igo antap long traipela ston na lukluk i go na lukim dispela traipela pisin i was-was i stap long wampela traipela raun-wara (Nau oli kolim Sirinumu Dam). Em i hariap tru na singautim nambatu brata long go hait long narapela sait bilong raun-wara na wet long hap.

Nau nambawan brata i singaut traipela tru na pisin yah i harim na tanim het i go na lukim nambawan brata i sanap i stap.

Nau pisin yah kirap na palai igo long namba-wan brata long kaikaim em.

Long hap sait namba-tu brata i stretim supsup bilong em na sutim igo long nek bilong pisin na sutim stret nek bilong traipela pisin yah.

Pisin yah pilin pen na kros nogut tru na lusim namba-wan brata na tanim i go long namba-tu brata, long sem-taim namba-wan brata i kalap antap long lek bilong pisin yah na hangamap igo.

Taim namba-tu brata i lukim pisin ikam, em kalap igo daun long raun-wara na hait ananit.

Pisin ikam na abrusim namba-tu brata na taim em laik palai igo, namba-tu brata i kamaut long

wara na tromoi han i go antap na holimpas long lek bilong namba-wan brata na tupela palai i go wantaim traipela pisin yah.

Traipela pisin yah i sut i go daun long maunten bilong Sogeri na go kamap long Elabis na plai igo aut long solwara wantaim ol mangii hangamap yet long lek bilong pisin yah.

Nau namba-wan brata i rausim supsup bilong em na subim igo insait long bras bilong pisin yah na sutim igo stret long lewa bilong pisin yah. Pisin yah i bikmaus krangi stret na sekim sekim het

long rausim tupela brata yah, tasol tupela ipas gut tru olsem anis. Nau namba-tu brata i goapim lek bilong pisin yah i go kamap long het bilong pisin yah na kisim bunara long em na sutim ai bilong pisin yah. Pisin yah i long

long nambaut na het win igo daun long solwara.

Klostu long solwara na tupela brata i kalap, na traipela pisin em yet igo daun na hevi bilong em yet i mekim na pisin yah i bruk long namei stret. Het igo silip klostu long Koki poin na bodi i silip long solwara stret. Nau tupela hap bodi bilong pisin yah i tanim na kamap olsem ailan, long dispela taim ol i kolim ailan yah. 'MANUBADA AILAN' i min olsem 'TRAIPELA PISIN'. Nau em i silip sore klostu long Elabis stret.Em tasol!

Jada Wilson
RIGO-GABA/2

Meri bilong mi i no save rait ikam long mi moa

Dia Laiplain,

Gelpren bilong mi i no save raitim pas moa long mi. Maski mi tupela i bin promis long marit long narapela ya.

Papamama bilong em i save long prensip bilong mitpela. Tasol mi no laik larim papamama bilong mi save.

Long las pas bilong em, em i bin tokim mi long toksave long papamama bilong mi. Tasol mi tokim em olsem mi bai toksave long ol taim mitupela i stap wantaim. Na nau mi no kisim wampela leta bilong em moa.

Bai mi toktok wantaim em olsem wanem?
BROKEN LINK.

Dia Pren,

Em i klia olsem meri i stap long raitim pas long yu. Bikos yu no wokim wanem samting em i bin askim yu long mekim. Em i bin askim yu long toksave long ol lain bilong yu long pren bilong yutupela. Tasol yu no mekim. Yu wok long tingting long no ken toksave long ol lain bilong yu. Bilong wanem na yu gat dispela kain tingting? Yu wari olsem ol i no inap tok orait? Yu ting olsem papamama bilong yu i gat plen long makim narapela meri?

Mipela i no save bilong wanem na yu ting em bai orait long tokim ol lain bilong yu taim yutupe' na i marit na stap wantaim. I luk olsem yu ting olsem ol i no inap amamas long prensip bilong yutupela. Tasol ol bai amamas taim yutupela i marit.

Sapos dispela kain tingting em i tru, i luk olsem yu no gat rispek long mamapapa bilong yu. I luk olsem yu no laikim papamama bilong yu i stap insait long stretim marit bilong yu. Na yu painim hat long tok klia long ol na yu laikim ol long tok yesa tasol long tingting bilong yu.

Dispela i soim olsem yu wantaim famili bilong yu i no save sindaun na toktok gut. Yupela i no gat gupela pasin bilong toktok wantaim. Bilong



wanem na dispela kain samting i kamap na yu inap mekim sampepa samting long stretim? Inap yu askim sampela lain olsem pasta o wampela bikman bilong ples.? Ol dispela kain lain inap tanim tingting bilong papamama bilong yu long tok orait long prensip bilong yutupela.

Sapos yu inap tokim ol lain bilong yu, ating yu inap mekim prenmeri bilong yu i luksave na em bai raitim pas gen long yu.

Planti taim wampela yangpela man na meri i save promis long marit taim tupela i stap long haikul. Tasol dispela samting i no save kamap. Bikos taim tupela i go stap longwe, wampela long tupela bai go na painim wampela nupela pren. Bihain ol i save luksave long wanem man o meri tru ol bai marit. Na dispela namba wan promis i save wara nating.

I luk olsem kain pasin i kamap pinis long pren bilong yu. Em i mas painim nupela pren olsem na em i les long rait long yu. Ating em i mas lukim wampela man husat i gat gupela luk i winim yu. Olsem na em i les long rait. Maski yu toksave long ol lain bilong yu, em bai no inap rait.

I gupela yu mas raitim wampela pas na salim long em pastaim na bihain yu lukluk. Sapos em i no bekim pas bilong yu, i luk olsem em i painim pinis nupela pren. **MI LAIPLAIN.**

Yut siaman askim long mani bilong ol yangpela

ARI GUH DANDEE i raitim

SIAMAN bilong Morobe Provinsal Yut Kaunsil, Suma Andum i no wanbel tumas wantaim sampela memba bilong Morobe husat i stap insait long nesenel gavman.

Em i sutim toktok i go long ol dispela 10-pela memba bilong Morobe long i no yusim gut dispela K20,000 i kam aninit long Yut Developmen Fan long lukluk insait na mekim wok

bilong ol yut long provins.

Mista Andum i tok planti bilong ol dispela memba i no yusim gut dispela mani long rot em gavman i bin givim ol long mekim long en.

Olsem na em i askim strong tru, sapos inap ol dispela memba i ken tokaut tru long wanem

rot tru ol i bin yusim dispela mani. Na em i singaut long olgeta wan wan siaman bilong wan wan distrik long lukluk long dispela hevi na sekim memba bilong ol long wanem rot mani i go long en.

Em i tok displa hevi i bin kamap na planti ol yangpela i save go

long yut opis na singaut long mani. Na dispela i kamapim planti bikpela hevi long opis bilong yut wantaim ol yut grup.

Long dispela, em i singaut strong tru long olgeta program bilong ol wok nau i mas i go bek long han bilong wan wan distrik yut kaunsil. Ol yet bai lukluk long en na toktok namel long ol na ol memba bilong ol. Bai ol i ken fandim long baset bilong ol.

Em i tok olsem Morobe Provinsal Yut Kaunsil nau i redi long kotim ol husat memba i wok long paulim mani bilong ol pipel na i no tingting long mekim ol wok.

Mista Andum i tok dispela em i bikpela samting tru na em i laikim ol yangpela i mas kisim sevis i go long ol ples.

Em i mekim wanpela bikpela singaut na tok tenkyu i go long ol tripela memba em

Samson Napo, Andrew Baing na Thomas Pelika long yusim gut dispela mani ol i bin kisim long Yut Developmen fan bilong ol.

Em i tok dispela em i wanpela gutpela rot em ol dispela ol tripela memba i bin mekim. Na i winim ol narapela memba. Em i askim ol long i mas mekim olsem long strongim na wok long wantaim.



Taim bilong rausim doti long skin....Sampela manmeri long i amamas wantaim na waswas bihain long ol i mekim wok. Dispela em long Laloki setelmen insait long Mosbi siti. Foto: Lionel Yogomin.

Memba laikim gavman mas baim tu ol resisten paitman

SAUT BOGENVIL memba bilong Palamen, Michael Laimo i laikim gavman long peim hariap ol resisten paitman long Bogenvil.

Na tu peim kompensesen mani i go long famili bilong ol dispela lain paitman husat i dai o kisim bagarap long taim bilong wok long helpim ol sekyuriti fos na bringim gutpela sindaun i go long ol pipel bilong Bogenvil.

Insait long wanpela ripot, Mista Laimo i tok ol resisten paitman i mekim gutpela wok tru wantaim ol sekyuriti fos. Na gavman i mas luksave long hatwok bilong ol. Na givim sampela kain pe i go long ol olsem long potnait o long taim em ol sekyuriti fos i save kisim pe bilong ol.

Ol dispela lain i save stap long ples klia na ol i ken kisim bagarap o ol lain Bogenvil Revoluseneri Ami i ken kilim ol dai. Bikos long go long ol hap we i no orait, em ol resisten paitman tasol i save go pas. Wok bilong ol i wankain tasol long ol lain sekyuriti fos memba, Mista Laimo i tok.

Gavman bai i mekim bikpela rong stret sapos em i no harim singaut bilong em, Mista Laimo i tok.

Na bai i hat tru long bringim gutpela sindaun i go bek long Bogenvil. Bikos ol resisten paitman em ol bun long rot bilong kamapim gutpela sindaun na bel isi long ailan.

Long wankain taim tu, Mista Laimo i laikim gavman long givim helpim wantaim mani hariap i go long kea senta edministresen long Buka bilong lukautim ol pipel long ol kea senta.

Planti manmeri na pikinini i wok long kamaut long bus na go kisim helpim long ol kea senta bilong saut na sentrel Bogenvil. Na ol i sot tru long kaika, klos, marasin na selhaus. Olsem na gavman i mas givim K1.50 milien long Not Solomons Edministresen bilong go hetim wok bilong lukautim ol kea senta pipel.

Tu mani we ol i yusim bilong lukautim ol kea senta wantaim long kaikai na ples slip em i hap bilong restoren mani. Na i no mani weemgavman i katim bilong ol kea senta.

Mista Laimo i tok dispela pasin i no gutpela. Bikos ol kea senta na restoren program i mas gat ol mani bilong ol yet long go hetim ol wok bilong ol.

Kanawi amamas long ol senis long Madang

BEN TAUMAI i raitim

EDMINISTRETA bilong Madang, Wep Kanawi i tokaut olsem em i gat bikpela amamas tru olsem olgeta seleksen em ol i wokim long Dipatmen bilong Madang.

Mista Kanawi i tok ol i bihainim ripot bilong Odita Jenerel na ol askim ripot bilong Dipatmen bilong Viles Sevis na Provinsal Afeas na wokim ol seleksen. Na makim ol man long holim wok insait long Dipatmen bilong Madang.

Insait long wanpela ripot em i salim i go long Seketeri bilong Dipatmen bilong Pesenel Menesmen, Kanawi i tok olsem olgeta pablik sevan insait

long Dipatmen bilong Madang i amamas long dispela seleksen.

Em i tokim Seketeri bilong Dipatmen bilong Pesenel Menesmen olsem liklik lain tasol i no amamas. Bikos ol i putim dispela lain long pul. Na taim ol i painim spes orait ol i putim ol long wok. Bikos ol i no save mekim wok bilong ol gut. Na tu ol i no save kamap gut long wok.

Ol lain husat i bin bung na wokim seleksen na makim ol manmeri long holim wok em Mista Kanawi yet, wanpela representativ long Dipatmen bilong Praim Minista, Asisten Seketeri bilong Stav Developmen Yunit na ol Asisten Seketeri bilong wan wan divisen long Dipatmen bilong Madang.

Is Sepik baset brukim rekot

i kam long pes 1

Pesenel Menesmen-K30,000 (6) Agrikalsa na Laipstok-K45,00 (7) Lens-K35,000 (8) Komes na Indastri-K33,000 (9) Fiseris-K33,000 (10) Kalsa na Turisim-K50,000 (11) Helt-K194,000 (12) Edukesen-K106,000 (13) Lokol Gavman-K72,000 (14) Komyuniti Developmen-K50,000 (15) Wewak Distrik Sevis-K30,000 (16) Maprik Distrik Sevis-K71,000 (17) Angoram Distrik Sevis-K71,000 (18) Ambunti Distrik Sevis-K50,000

Provinsal Woks Program:

Maprik Distrik-K450,000; Wewak Distrik-K225,000; Angoram Distrik-K200,000; Ambunti Distrik-K270,000; Kanauki Distrik (Yangoru/Saussia)-

K165,000; Is Sepik Provinsal Hetkwata-K270,000

Spesel Apropiesen:

(1) Mini Lon-K250,000 (2) Stet Fansen-K4,000 (3) Provinsal Selebresen-K20,000 (4) Advans bilong Seketeri-K100,000 (5) Ajitek-K100,000 (6) Yutiliti-K150,000 (7) Turis Bod-K10,000 (8) Printeri-K17,000 (9) Vokesenel Senta-K29,000 (10) Yuni-vesiti Senta-K40,000 (11) Misin Edukesen Ejensi-K20,000 (12) Misin Helt Ejensi-K70,000 (13) Awod bilong ol Tisa-K700,000 (14) Koles ov Disten Edukesen-K15,000(15) Yut-K10,000 (16) Ol Meri-K20,000 (17) Spot-K18,000 (18) Rurel Wara Saplai-K30,000 (19) Taun Sevis Gran-K200,000.


Atoriti glasim gen ol fores projek

kampani na (2) kotim kampani husat i mekim rong

Sapos Minista bilong Fores o Bod i rausim laisens bilong wanpela projek, dispela kampani i no inap wok long dispela projek. Sapos nogat, Minista o Bod i ken kisim wanpela nupela kampani


long mekim wok bilong dispela projek.

Long namba tu hap bilong glasim gen ol forestri projek, Fores Bod bai paitim toktok wantaim ol kampani na stretim ol samting bihainim Forestri Ekt na nupela Nesenel Forestri Developmen Gaid-lain.



Fonsie, yupela laki tru ya....Fonsie (long lephan) wantaim tupela arapela wanwok bilong em i laki tru long kism bek wok bilong ol bihain long Edministreta bilong Madang Wep Kanawi i stretim gen Dipatmen bilong Madang. Foto: Ben Taumai.

Spot poto bilong namba wan de bilong Mini SP Gems long Vanuatu



THE NEW IRELAND SOFTBALL FAST PITCH CHAMPIONSHIP PROGRAMME

Thursday - 29th December 1993
6:30 pm - Delegates meeting - Kavieng Hotel Poolside

Friday - 31st December 1993
- Disco - Kavieng Hotel Poolside - Globie Malangan Softball club - K10.00 per head...

Saturday - 1st January 1994
- Finals...
- NISBC General Meeting - Malangan Lodge

Sunday - 2nd January 1994
- Grand Finals
- Presentation of prizes at Kopkop...
- Runner Up
- Champion Club
- Dance at Kavieng Hotel Poolside - K10.00 per head

Friday - 24th December 1993
- Team Delegates Meeting
- Technical Official Meeting
- Poolside - Kavieng Hotel
- NISBC Christmas Eve Disco Dance - Poolside - Kavieng Hotel - K10.00 per head.

Saturday - 25th December 1993
1000 - 1200 - Bluff Inn Soles and Tambaran Culture
12 Noon - Games start
6:30 - Delegates Meeting - Poolside - Kavieng Hotel

Sunday - 26th December 1993
- Official Opening Ceremonies - Music by Bluff in Soles & Tambaran Culture...
- March pass by all clubs in uniform
- Prayer - Choir
- Welcome by Chairman
- Opening address by Premier or Deputy Premier
- Pitch off by Deputy Premier
6:30 pm - Delegates Meeting - Malangan Lodge

Monday - 27th December 1993
6:30 pm - Delegates Meeting - Kavieng Hotel Poolside

Tuesday - 28th December 1993
- Free Evening

Wednesday 29th December 1993
- Promotion Games - Lugagun, Konos Namatanai

Saturday 25th December 1993

Time	Diamond 1	Diamond 2	
1200 - 1315	MANP	M1 FUJK WMALP	W1 WFUJK
1130 - 1445	WFUJK	W3 WHIRK KARK	M2 FISK
1500 - 1615	WKARK	W4 WMALK FUJK	M5 METK

Sunday 26th December 1993

0830-0945	MALP	M3 HIRK DUAK	M6 TGKK
1000-1115	WFUJK	W5 WTIGK FUJK	M7 FISK
1130-1245	MANP	M8 HIRK WHIRK	W7 WMALK
1300-1415	WMALP	W6 WMANK YOKK	M10 METK
1430-1545		OFFICIAL OPENING	
1600-1715	MALR	M11 DUAK WFUJK	W8 WFISK

Monday 27th December 1993

0830-0945	KARK	M9 MALK FUJP	M12 MANK
1000-1115	WTIGK	W9 WMANK FISK	M13 HIRK
1130-1445	FUJK	M14 MALK WMALK	W11 WFISK
1300-1415	WFUJK	W10 WMALR DUAK	M16 METK
1430-1545	MANK	M17 YOKK WHIRK	W12 WKARK
1600-1715	MANP	M15 MALP MALE	M18 TGKK

Tuesday 28th December 1993

0830-0945	HIRK	M19 MALK DUAK	M22 MANK
1000-1115	FISK	M20 MALP METK	M23 TGKK
1130-1245	FUJK	M21 KARK YOKK	M24 FUJP
1300-1415	MANK	M28 TGKK YOKK	M25 MALP
1430-1545	DUAK	M29 FUJK HIRK	M26 KARK
1600-1715	METK	M30 MALR MANP	M27 FISK

Wednesday 29th December 1993

Promotional Games

Lugagun Fuji - Pom vs Malangan - Rab (M&W)
Konos Manolos - Pom vs Tigak - Kav (M)
Namatanai Malangan - Pom vs Metlak - Kav (M)
Malangan - Pom vs Tigers - Kav (M)

All other teams are on rest day!

Thursday 30th December 1993

0830-0945	MALP	M31 KARK TGKK	M34 FUJP
1000-1115	WMANK	W13 WMALR MALK	M32 MANP
1130-1245	MALR	M35 MANK WFISK	W15 WKARK
1300-1415	WTIGK	W14 WMALP HIRK	M33 FUJK
1430-1545	DUAK	M36 YOKK WMALK	W16 WFUJK

Friday 31st December 1993

0830-0945	KARK	M37 MANP FUJP	M40 MALR
1000-1115	WMALR	W17 WMALP MALP	M38 FUJK
1130-1245	TGKK	M41 YOKK WKARK	W19 FUJP
1300-1415	WFISK	W20 WHIRK MALK	M39 FISK
1430-1545	MANK	M42 METK WMANK	W18 WFUJK

Saturday 1st January 1994

0830-0945	GW1	GM1
1000-1115	GW2	GW3
1130-1415	GM2	GM3
1300-1415	GM4	GM5
1430-1545	GW4	GM6
1600-1715	GM7	MW5

Sunday 2nd January 1994

0830-0915	GM8	GM9
0930-1045	GW6	GM10
1100-1215	GM11	GW7
1400-1515	GW9	
1530-1645	GM13	


PRESENTATION OF TROPHIES

MENS

POOL "A"		POOL "B"	
Manolos - Kav	Mank	Malangan - Rabaul	MALR
Karanas - Kav	KARK	FUJITSU - Pom	FUJP
Malangan - Pom	MALP	TIGAK - Kav	MANK
Malangan - Kav	MALK	Manolos - Kav	MANK
Hiway Roots - Kav	HIRK	DUAK - Kav	DUAK
FISSOA - Kav	FISK	METLAK - Kav	METK
		Yokomo - Kay	TOKK

WOMENS

Pool "A"		Pool "B"	
Malangag Pom	WMALP	FUJITSU - Pom	WFAUJP
Malangan - Rab	WMALR	Karanas - Kav	WKARK
Manolos - Kav	WMANK	FISSOA - Kav	WFISK
Tigers - Kav	WTIGK	Malangan - Kav	WMALK
Fuji - Kav	WFUJK	Hiway Roots - Kav	WHIRK





Lukluk bek long yia... Long antap lephan kona, winga bilong Royals ragbi lig klap, Julius Taliu i daunim het bilong em long abrusim han bilong boi nogut bilong Tarangau, senta pilala Richard Wagambie. Long dispela pilai, Tarangau yet i bin win, 14-8. Long antap raithan kona, Jeffrey Mukyotina bilong Kulumata i kalap antap moa na laik paitim bal. Dispela em long volibal resis bilong ol lain Trobrien long Mosbi. Orait long daunbilo lephan kona, tupela susa ya i taitim bun stret long husat tru bai inap winim bal. Olsem na long Mini SP Gems long Vanuatu, PNG i bin kamapim bikpela pret tu long netbal resis. Na long daunbilo em ol lain husat i bin makim Papua Niugini long resis bilong pilai tenis na go long Mini SP Gems long Vanuatu. Ol tu i bin kamapim gut-pela resis tru.





• Long poto antap, ol lain boi bilong PNG soka tim i stap long kem bilong redi long go long Vanuatu long Mini SP Gems. Ol i bin kamap gutpela pilai tasol i no inap go insait long fainal. Na long lephan, wampela meri bilong ron, Rosemary Turare i soim kain pawa bilong em wantaim gutpela amamas na smail.

**PEPSI OFF SEASON LEAGUE
ROUND ONE - GAME TWO**

Date: 26/12/93

Oval One	Teams	
Time	vs	
12.00- 1.00 Koairi	vs	Rooster
1.00- 2.00 Opogo	vs	Porebada
2.00- 3.00 Tauruba	vs	Hohola
3.00- 4.00 Tatana	vs	Poreporena
Oval Two		
12.00- 1.00 Hisiu	vs	Sogeri Valley
1.00- 2.00 Unagi	vs	Lealea
2.00- 3.00 Morata	vs	Opo
3.00- 4.00 Manumanu	vs	South Settlement

• Ating ol dispela lain meri i kamapim stret bikpela pret long taim bilong ol pilai long Vanuatu. Em ol meri bilong PNG netbal tim. Sampela liklik asua tasol i mekim na ol i lusim gol.



NCD: PUBLIC SERVANTS SOCCER ASSOCIATION POINTS LADDER.
.....MEN'S DIVISION

POOL ONE

TEAMS	P	W	D	L	F	A	P
1. Works	7	3	3	1	10	3	12
2. DCA	7	3	3	1	7	9	12
3. Finance	7	3	2	2	8	3	11
4. Labcis	7	2	4	1	12	9	10
5. Transport	7	2	4	1	8	8	10
6. P/Mcgregor	7	2	3	2	8	9	9
7. A/General	7	2	2	3	7	9	8
8. PTC	7	2	1	4	8	9	7
9. NBC	7	1	3	3	4	7	6
10. POSF	7	1	3	3	6	11	6

POOL TWO

1. BPNG	7	5	1	1	13	6	16
2. PNGBC	7	4	3	-	9	2	15
3. University	7	3	3	1	8	5	12
4. Lands	7	3	2	2	12	8	11
5. CMB	7	3	1	3	13	12	10
6. Education	7	3	-	4	12	9	9
7. Deced	7	2	3	2	5	5	9
8. Teachers	7	2	2	3	11	12	8
9. P/Minister	7	1	2	4	8	13	5
10. NPF	7	-	1	6	3	8	1

WOMEN'S DIVISION

POOL ONE

TEAMS	P	W	D	L	F	A	P
1. PTC	7	4	2	1	10	2	14
2. DCA	7	4	2	1	8	5	14
3. Finance	7	3	3	1	6	4	11
4. Transport	7	3	1	3	4	4	10
5. NBC	7	3	-	4	7	6	9
6. POSF	7	1	5	1	4	4	8
7. A/General	7	2	2	3	5	11	8
8. P/Mcgregor	7	2	1	4	3	7	7
9. Labcis	7	2	1	4	2	9	7
10. Works	7	1	3	3	7	6	6

POOL ONE

1. Education	6	4	2	-	5	0	14
2. Lands	6	4	1	1	8	3	13
3. BPNG	7	3	3	1	11	13	12
4. University	7	3	1	3	5	6	10
5. NPF	7	2	3	2	7	5	9
6. PNGBC	7	1	4	2	2	3	7
7. CMB	7	2	1	4	2	8	7
8. P/Minister	7	2	1	4	4	8	7
9. Teachers	7	1	4	2	5	9	7
10. Deced	7	1	2	4	4	7	5

Note: Tables compiled after round 7 (19/12/93). Rounds 8 and 9 will be completed in January 1994. Round 9 completed on 15th/16th January 1994. No games over Christmas 1993 and New Year 1994

**BENSON
& HEDGES
SOCCER**

Ragbi lig kukim ol ples long Isten Hailans

SAPE METTA i raitim

RAGBI lig i paia nau long ol asples insait na ausait long Goroko taun.

Ol man na meri bilong ples tu i save laikm tru dispela pilai na save sapatim ol tim bilong ol maski em i pilai bilong ol lain long ples tasol.

Ating ol man bai ting olsem em i pilai nating bilong ples. Tasol planti gutpela pilai i save makim Goroka, Hailans Son na Kumul

em ol i piknini bilong ol dispela kain resis i save kamap long ol ples.

Wanpela gutpela piksa em long kain man olsem Tuiyo Evei. Bipo em i save pilai long ples tu. Nau em i stap insait long Kumul tim.

Dispela piksa i klia tru na olgeta yangpela man long ples i kisim strongpela toktok long ol bikman bilong ples long bihainim lek bilong em. Ol yangpela i kisim dispela toktok long wanpela presente-

sen bilong ol ragbi lig jesi. Ol jesi ya i bin go long wanpela klap Kafuku Webs viles ragbi lig klap bilong ples Megusafu ausait tasol long Goroka.

Ol bikman bilong ples i tok long taim bilong presentesen olsem ol dispela pilai i no bilong pilai tasol. Em i wanpela samting bilong bringim ol ples i kam bung wantaim na sindaun bel isi.

Ol i tok tu olsem long dispela pasin, pilai i helpim ol yangpela

long sindaun na tingting long trening na bai lus tingting long wokim ol bikhet pasin nabaut.

Dispela klap Kafuku Webs i stat long dispela yia tasol na ol i no gat gutpela karamap yunifom.

Hatwok bilong klap long ol planti mun i karim kaikai taim ol i bin kisim helpim long Sir Danny Leahy na bisnisman John Yoyiyo. Tupela man ya i putim mani wantaim na i abrusim K1000 bilong baim ol yunifom.




• Wanpela bilong ol kain strongpela ragbi lig pilai em i save kamap long ol resis bilong ples. Long hia em olgeta stail tu i pinis.

Op sisen gat stail...

Long olgeta hap bilong Isten Hailins long Sarere na Sande, bai yu lukim ol yangpela man i putim kamap ol strongpela ragbi lig pilai tru. Dispela ol pilai em bilong Op Sisen Viles Ragbi Lig.

Olsem piksa ya i soim, tupela pilaia bilong Op Sisen Viles Ragbi Lig i no isi long pilai. Tupela i taitim bun na kaikai tit wantaim stret. Dispela piksa em long wanpela viles ragbi lig pilai resis.



• Olgeta tripela poto antap i soikm wanem kain tingting na amamas ol pilaia bilong dispela lokal klap i gat taim ol i kisim ol karamap yunifom bilong ol. Ol sapota na sponsa tu i kamap bilong amamas wantaim ol. Ol poto: Sape Metta.

Pepsi op sisen tonamen stat long Mosbi

LIONEL YOGOMIN i raitim

KAUGERE ragbi lig pilai graun long las wiken i bin pulap tru taim ol tim husat i save pilai long opsisen lig insait long Mosbi siti na ol

arapela tim husat i kam long ol ples insait long Sentrel provins i bin bung long statim pilai bilong Pepsi op sisen lig.

Namba wan pilai i bin stap namel long Manumanu na Opogo na ol boi Manumanu yet i bin winim dispela pilai 12-4.

Manumanu i bin skoa pastaim taim Kwalchu Tali i bin go na skoa long kisim

skoa i go antap long 4-0. Tasol sampela minit pastaim long hap taim senta pilaia bilong Opogo, John Aisa i mekim ol sapota i amamas taim em i go na skoa long kisim skoa i go long 4-4. Na tupela tim i go

malolo long hap taim. Long namba tu hap ken ol boi Manumanu i statim paia gen na i no givim sans long birua tim. Peter Mase yet i bin go pas long ol wantaim helpim bilong Ono Kaikai husat i bin go insait

long namba tu hap bilong pilai.

Tupela tim i bin kamapim gutpela strongpela gem. Manumanu i bin gat planti sans long skoa tasol ol yet i no mekim gut long skoa. Samting olsem 10 minit bipo long pilai i pinis ol pilaia bilong Opogo i mekim wanpela asua na referi i givim penalti i go long Manumanu. Na Noel John i kikim gut penalti na dispela i bin kisim skoa i go long 6-4.

Dispela i bin kirapim tingting bilong ol pilaia na ol banisim tru ol pilai bilong Opogo. I no long taim Leonard Taru i kisim wanpela gutpela pas tru long wanpilaia bilong em na go skoa. Dispela i bin bringim skoa i go long 12-4 na Manumanu i winim dispela pilaia.

Narapela pilai i bin stap long South Settlement Miriaukas na Morata Swans. Long dispela pilai Swans i bin laki tru long winim Miriaukas 8-4.

Kosa bilong Swans, George Kaupa i bin amamas tru bihainim long ol boi bilong em i winim pilai. "South Settlement em tim mipela i pretim tru na nau mipela i winim ol pinis mipela i lukluk tasol long winim dispela taitel," Kaupa i tok.

Swans i bin givim sans liklik long Miriaukas na banisim ol tru oltaim ol birua i save kisim bal ol pilaia bilong Swans i save go hariap long stapim. Na tu ol pilai bilong Swans i save brukim banis long skoa.

Ol boi bilong Morota i bin skoa pastaim taim kepten Chris Jones i setim Aki Kua long skoa. Ol boi bilong South Settlement i bin traime skoa tasol banis bilong Swans i strong tru. Pastaim long hap taim Martin Tua i traime kisim fil gol tasol em i abrus na skoa i stap yet 4-0 long hap taim.

Wanpela pilaia bilong Swans i go ausait taim referi, Paul Laka i no amamas long takel em i mekim na salim em i go aut. Maski ol i gat 12-pela pilaia Swans i strongim tru banis. Sampela minit bipo long pilai i pinis Apeke Alois i skoa ken long Swans na ol i go pas long 8-0.

Tasol dispela i no bin daunim tingting bilong ol pilaia bilong Miriaukas. Ol i pilai strong i go inap Aero Sarea i ran wantaim bal i go na setim Ava Maiari long skoa. Dispela nau i bin kisim skoa i go long 4-8. Long fultaim Swans i winim pilai long 8-4 skoa.



Marasin nogut...Dispela tim bilong ol boi bilong Godens, Marasin Roosters i save kamapim bikpela salens tru long 7-asait resis bilong ol. Dispela resis i save kamap olgeta wiken na i bilong ol yangpela bilong Godens stua, Godens Pils Bareks na ol hap i stap klostu. Em i wanpela gutpela op sisen resis tu. Foto: Lionel Yogomin.

DCA lusim olgeta join bilong ol lain waiaboi long Mosbi pablik sevan kik

RODNEY KAMUS i raitim

DCA i putim pinis 2 poin antap long lata bilong pablik sevens soka bilong Mosbi bihain long ol i rausim PTC 2-1. Dispela pilai i bin kamap long Sande long Bisini Oval.

DCA i bin putim kamap wanpela strongpela pilai stret long nambawan hap bilong pilai long daunim ol PTC.

Long nambawan 20 minit bilong pilai, tupela tim wantaim i pilai hat tru na nogat wanpla gol i kamap. Sampela ol pilaia i bin pilai rap liklik

na tupela tim wantaim i kisim planti penelti. Tasol tupela tim wantaim i no kik gut long ol penelti na ol i lusim planti sans.

Dispela gol i mekim na DCA i skin kirap long pilai strong. C'i taitim bun stret long pilai. Mekim i go na klostu long nambawan hap bilong pilai i laik pinis nau. DCA i putim moa presa arere long nak bilong PTC na ol amamas gen long wan-

Bihain tasol long ol penelti i wok long kamap, straiika bilong

DCA i kism bal i go na pairapim umben bilong ol PTC.

pela gol. Dispela gol i bin kamap autsait long penelti eria. Na man bilong was long umben bilong ol PTC tu i kirap nogut taim umben i pairap.

Taim pilai i senis long namba tu hap, pilai i tanim gen. Taim bilong ol PTC gen long putim presa long ol DCA. Ol manki PTC i pilai hat tru na kisim planti gutpela sans long mekim

umben bilong DCA i gurua. Tasol ol i wok long lusim planti bilong ol dispela sans.

Ol i pilai strong moa yet i go na long asua bilong golie bilong DCA i mekim na PTC i

kapsaitim wanpela gol i go insait long umben bilong. Golie bilong DCA i no bin kalap long rait taim long holim bal.

Liklik trabel tasol i kamap namel long tupela pilaia long klostu long pinis bilong pilai tasol dispela i no stopim pilai long pinis.


Pilai i ron gut tasol i go inap long ful taim na DCA i winim dispela gem.

BENSON & HEDGES SOCCER



BENSON & HEDGES SOKA

Wantok



Helpim bilong Australia long spot...I no longtaim i go pinis, ol spot edministreta na opisa bilong ol kantri long Pasifik i bin go wokim spot kos long Australia. Namel long ol em tupela man PNG. Wapela em Raphael Sapea husat i soim ol stail bilong em long paitim tenis bal na narapela em Lapule Tamean. Long narapela poto, tupela i sanap malolo wantaim edministreta bilong Australia Koles bilong ol Spot long Kenbera, Mark McElligott.

NUPELA SOFBAL TONAMEN KIRAP NAU LONG KAVIENG

FAY DUEGA i raltim

TWENTI TRI sofbal tim bai bung long Kavieng long bikipela na nupela tonamen ol kolim long Nu Ailan Sofbal Faspits sempionsip.

Dispela tonamen bai stap inap long 9-pela de olgeta bihain long em i stat long tumora Desemba 25.

Bai i gat 13 tim bilong ol man na 10-pela tim bilong ol meri i pilai.

Tim bilong ol man long Pul A em Manolos (Mosbi), Karanas, Malagan Fissoa na Highway Roots (Kavieng) na Malangan (Mosbi).

Ol tim long Pul B em Malangan (Rabaul) Fujitsu (Mosbi) na Tigak, Manolos, Duak, Metlak, na Yokomo (Kavieng).
Ol tim bilong ol meri

long Pul A em Malangan (Mosbi), Malangan (Rabaul), Manolos, Fuji na Tigers (Kavieng).

Ol tim bilong ol meri long Pul B em Fujitsu (Mosbi), Karanas, Fissoa Malagan na Highway Roots (Kavieng).

As tingting bilong holim dispela nupela sempionsip em long bringim spot bilong sofbal i go long asples bilong Nu Ailan na bringim gutpela pilai na amamas namel long lain pipel.

Dispela sempionsip i bilong ol tim bilong Nu Ailan tasol. Ol dispela tim tu i mas afiliet i go long PNG Sofbal Federesen olsem bai ol inap pilai. Olgeta pilaia tu i mas rejista.

I gat bikipela bilip olsem Malangan tim bilong Rabaul na Fujitsu bilong Mosbi bai bung long gren fainal bilong ol man.

Rabaul Malangan i gat sampela pilaia husat i bin makim PNG long ol bikipela pilai bipo. Tupela das mangi bilong ol em Christopher Timan na Bernard Manana.

Nau yet Malangan i go pas long lata bilong Rabaul softbal resis olsem na ol bai bringim bikipela pret long resis.

Fujitsu tu i no ol lain nating. Ol i stap long namba tri ples long Mosbi sofbal resis.

Manolos tim bilong Mosbi husat i stap long Pul A tu i gat strong long winim ol gem bilong ol. Ol i stap namba wan long resis bilong Mosbi sofbal.

Kosa bilong ol, Ron Rolly i tok dispela tonamen long Kavieng i bilong helpim ol yang-



pela bilong ol long tim long save gut long pilai.

Karanas tim bilong Kavieng tu i gat marasin nogut long winim ol gem bilong ol. Planti pilaia bilong ol i bin stap long tim husat i bin pilai wantaim Mosbi long gren fainal long las yia.

Fujitsu bilong Mosbi i gat bikipela bilip long winim sil bilong ol meri. Tupela stail meri bilong ol Delin Bais na Diane Gideon bai helpim ol long mekim dispela i kamap tru.

Malangan Mosbi i no inap go wantaim bikipela pret long Kavieng bikos ol stail meri bilong ol olsem Eastern Puipui, Evodia Boslogo, Sandra Sawaraba i no inap long go.







REBO

BIK BOS I MEKIM BABAKIU LONG HAUS LONG AMAMASIM OL BOIS BILONG REBO HUSAIT I WINIM RABBI SEM LONG OL WESPAK TIM!!!



HA! HA! HA! YU WARI LONG BIAZ BIA I STAP! PULAP, YAH! KAM HELPIM YUPELA YET!

YUMI PINISIM WANPELA ESKI NA KIK-OFF LONG NARAPELA BIHAIN!

OL BOIS I AMAMAS TRU NA DALINIM OL MIT GUT TRU WANTAIM KOL BIA!!!



HEY, REBO.. SAPOS MI PINIS, BAI MI KAMBEK LONG MOA, YU SAVE!

MAN! I LUK OLSEM YU HANGERE, YAH! ISI LONG KAIKAI, NOBIT PAS LONG NEK!

PATI I PINIS LONG TU-KILOK LONG MONING NA REBO KARIM OL I GO!!!



OKE, OL BOIS! BAI MI GO LUSIM YUPELA LONG WANEM HAP?

HILTON SINGUL KOTAS!

HE! HE! HE! YU TING MI-PELA OGETA MARIT, AH?

OLGETA BOIS I SPAK NA SINGSING WANTAIM 150 LONG KAR!!!



"23 DRAIVA, DRAIVA GIVIM SIKSTI 23 WARAM BIRIMWAA?"

HEY! HEY! ISI, YAH!

!?!?

OL I NO SAVE OLSEM WANPELA POLIS KAR I ABRUSIM OL NA HARIM OL!!!



UMN! LUK OLSEM OL DISPELA LAINI SPAK, YAH!


KAMON! YUMI RAI-NIM OL NA SEKIM OL!

NAI POLIS KAR I BIHAINIM OL!!!



YUMI GO KLOSTU LONG OL NA BAI MI PUTIM ON SAIREN NA KIRAPIM OL, YU SAVE!

SKREECHH!



HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

WANTOK

EM NIUSPEPA BILONG YUMI OL PAPUA NIUGINI STRET!

NIUSPEPA BILONG OL PAPUA NIUGINI STRET Ernst & Young audited circulation 15,177

INO DIA TUMAS. 40¢ TASOL!

EASTERN UNION OF KAINANTU

EASTERN UNION OF KAINANTU

MANDAWALI 'NAKIN'

MANDAWALI

SHUTDOWN 'A VOTONG'

SHUTDOWN

'A VOTONG'

PURARI KAVAEA "ARUMA"

PURARI

KAVAEA "ARUMA"

Musik long Danis, Kirapim skin blong yu!

JUNIOR GADAGADS OF MADANG

JUNIOR GADAGADS

OF MADANG

ENI AND THE SANDERS "NUS ISLAND BILONG MI"

ENI AND THE SANDERS

"NUS ISLAND BILONG MI"

FESTALIGHT "CHRISTMAS I KAM KEN"

FESTALIGHT

"CHRISTMAS I KAM KEN"

VUVU VIBRATIONS "VUI TATI"

VUVU VIBRATIONS

"VUI TATI"

Pacific Gold i Pairap!

Maski wari tumas ol Spots Fans!

START Weekend

bai kamaut long Febueri 1994

so sambai tasol na redi long Tek-offff!!



MUSIK NA TELEVISEN

PAPUA NIUGINI



Narapela Festalight Krismas kaset

PACIFIC GOLD Studio (PGS) i gat bikpela laik long salim samting olsem 4 tausen kaset bilong wanpela Krismas album bilong ol lain Festalight grup bilong Is Nu Briten provins.

Dispela em i namba tri kain kaset olsem bilong ol lain Festalight grup. Na het tok bilong kaset nau em *Christmas I Kam Ken*. Ol i bin katim na wokim namba wan kaset bilong ol long 1989, narapela gen long 1990.

Bihain long dispela, ol i go stap malolo inap long tupela yia na long dispela yia, ol i kamap bung wantaim gen na autim namba tri kaset bilong ol.

Brens menesa bilong Pacific Gold Studio long *Fabaul*, *Clan Low* i tok olsem inap long namba wan taim kaset ya i bin kamaut tupela wik i go pinis, ol i salim pinis 2 tausen.

"Mipela i wok long salim dispela kaset gut tru olsem na mipela i laikim namba long go antap long 4 tausen pastaim long Krismas i pinis," Mista Low i tok.

Em i tokaut tu olsem long taim Krismas i pinis, planti pipel nau i no save tingting tumas long baim olkain kaset olsem. Olsem na PGS i laik salim pastaim narapela 2 tausen kaset samting.

Long dispela Krismas kaset bilong ol, Festalight i tingim olgeta 13 memba bilong ben, ol famili, pren na sapota bilong ol long olgeta hap bilong kantri.

Pacific Gold Studio i bin katim na redim pinis narapela Krismas kaset tu. Dispela em kaset bilong ol lain Barup kwaia grup Matupit long Is Nu Briten provins. Ripot i tok dispela grup i bilong ol pikinini man tasol na long taim em i kamaut, PGS i bin salim 60 kaset

Mista Low i tok em i bin kalap nogut long dispela. Bikos long 1988 taim em i stat wok wantaim PGS, ol i bin lusim tingting bilong katim ol kwaia singsing kaset. Ol i no save salim gut olkain kaset olsem.

Em i tok maski i no gat gupela maket bilong ol kwaia kaset, ol bai glasim gut wanem samting i kamap long dispela kaset bilong ol boi Matupit.

Planti bilong ol singsing insait long dispela kaset i kamap long tok ples Kuanua yet bilong Is Nu Briten provins.



• Festalight...bung gen long narapela Krismas kaset.

Long narapela sait, Chin Hoi Meen Supersounds tu i bin katim tasol wanpela Krismas kaset long dispela yia. Het tok bilong dispela kaset em *With George Telek And Friends*. Na dispela em i namba tu Krismas kaset bilong Telek.

Namba wan Krismas kaset bilong dispela man i bin kamap long las yia aninit long het tok *Christmas With George Telek And The NGICC* (Niugini Ailan Katolik Komyuniti) bilong Gerehu long Mosbi.

Long Krismas kaset bilong em long dispela yia, tupela man na tripela meri i bin givim han long Telek long wokim na kamapim dispela kaset.

I KAM LONG Ela Motors OL WIL BILONG NESEN

AMERICAN TOP FORTY

AS AT 18/12/93

CUR.	TITLE	ACT NAME
1.	All That She Wants	Ace Of Base
2.	Again	Janet Jackson
3.	Please Forgive Me	Bryan Adams
4.	I'd Do Anything For Love (But I Won't Do That)	Meat Loaf
5.	Hero	Mariah Carey
6.	What Is Love	Haddaway
7.	No Rain	Blind Melon
8.	Both Sides Of The Story	Phil Collins
9.	Dreamlover	Mariah Carey
10.	I Can See Clearly Now	Jimmy Cliff
11.	Said I Loved You ...But I Lied	Michael Bolton
12.	Something In Common	Bobby Brown and Whitney Houston
13.	Wild World	Mr Big
14.	Linger	The Cranberries
15.	Because The Night	10,000 Maniacs
16.	Breathe Again	Toni Braxton
17.	Another Sad Love Song	Toni Braxton
18.	Hey Mr D.J.	Zhane
19.	Two Steps Behind	Def Leppard
20.	All For Love	Sting/Rod Stewart Bryan Adams
21.	The River Of Dreams	Billy Joel
22.	All About Soul	Billy Joel
23.	Can We Talk	Tevin Campbell
24.	Mr Vain	Culture Beat
25.	Sweat (A LA LA LA Song)	Inner Circle
26.	Just Kickin' It	Xscape
27.	Better Than You	Lisa Keith
28.	Cryin'	Aerosmith
29.	IF	Janet Jackson
30.	Runaway Train	Soul Asylum
31.	Everybody Hurts	R.E.M.
32.	Anniversary	Tony! Toni! Tone!
33.	Right Here (Human Nature)	SWV
34.	Higher Ground	UB40
35.	Dreams	Gabrielle
36.	Hey Jealousy	Bin Blossoms
37.	Found Out About You	Bin Blossoms
38.	OOH Child	Dino
39.	Baby I'm Yours	Shal
40.	Daughter	Pearl Jam

EMTV TELEVISEN

THURSDAY 23RD DECEMBER, 1993

2:57	STATION OPEN
3:00	KIDS KONA
	SESAME STREET
4:00	KIDS KONA
	FAT CAT (G)
	YOGI'S GANG (G)
4:30	YOGI'S GANG
5:00	YOGI'S GANG
5:27	EMTV TOK SAVE
5:29	EMTV NEWS BREAK
5:30	HOME AND AWAY (G)
6:00	NATIONAL EMTV NEWS
6:30	A CURRENT AFFAIR (G)
7:00	NEIGHBOURS (G)
7:32	SUPERSOUND NEW
7:35	FIZZ (G)
7:37	EM-TV TOK SAVE (G)
8:30	MARRIED WITH CHILDREN
8:57	SUPERSOUND NEW RELEASE
9:00	LOVE AND WAR (PGR)
10:00	A COUNTRY PRACTICE
11:00	NATIONAL EMTV NEWS REPLAY
11:30	A CURRENT AFFAIRS (Replay)
12:17	MEDITATION WITH PASTOR WALO ARNI
12:30	STATION CLOSE

FRIDAY 24TH DECEMBER, 1993

5:27	STATION OPEN
7:40	SUPERSOUND NEW RELEASE
2:47	EMTV TOK SAVE
3:00	KIDS KONA
4:00	KIDS KONA FAT CAT (G)
4:30	YOGI'S GANG (G)
5:00	SHIP TO SHORE (G)
5:27	EMTV TOK SAVE
5:29	EMTV NEWS BREAK
5:30	HOME AND AWAY (G)
6:00	NATIONAL EMTV NEWS
6:30	A CURRENT AFFAIR (G)
7:00	NEIGHBOURS (G)
7:27	SUPERSOUND NEW RELEASE
7:30	A DIFFERENT WORLD (G)
8:00	1993 ROYAL VICTORIAN INSTITUTE FOR THE BLINDS
10:30	FRIDAY NIGHT MOVIE "Christmas on Division"
12:00	NATIONAL EMTV NEWS REPLAY
12:30	A CURRENT AFFAIR
12:57	MEDITATION WITH PASTOR WALO ARNI
1:00	STATION CLOSE

SATURDAY 25TH DECEMBER,

2:47	STATION OPEN
3:00	CHRISTMAS WORLD
4:00	A CELEBRATION OF CHRISTMAS
4:30	GILLETTE
5:00	BONANZA: "Ambush at Rio Lobo" (G)
5:55	SUPERSOUND NEW RELEASE
6:00	NATIONAL EMTV NEWS
6:30	DISNEY MOVIE (G)
8:00	NCDC NEWS (G)
8:20	TOK SAVE
8:25	SUPERSOUND NEW RELEASE
8:30	MOVIE "The Christmas Star, part 1&2"
10:00	JAKE & THE FATMAN(G)
11:00	HAWAII 5-0 (PGR)
12:00	NATIONAL EMTV NEWS REPLAY
12:27	MEDIATION WITH PASTOR WALO ARNI
12:30	STATION CLOSE



SUNDAY 26TH DECEMBER, 1993

5:00	BONANZA (G)
5:57	SUPERSOUND NEW RELEASE
6:00	NATIONAL EMTV NEWS
6:30	WONDERFUL WORLD OF DISNEY (G)
7:25	EMTV TOK SAVE
7:30	RAY MARTIN SPECIALS
8:30	SUNDAY NIGHT MOVIE "Always Remember I Love"
10:00	CHIT CHAT WITH SIR PAULIAS MATANE LUMEN 2000
10:05	CAROLS OF CHRISTMAS
10:30	NATIONAL EMTV NEWS REPLAY
11:00	CRICKETS HIGHLIGHTS
11:30	MEDITATION WITH PASTOR WALO ARNI
11:57	STATION CLOSE
12:00	STATION CLOSE

PNG TOP TWENTY

AS AT 18/12/93

NO.	SONG	ARTIST
1 (1)	Kir Ta Prove	Kokorats
2 (4)	Chako Chako	Chaco Chaco
3 (3)	Swit Smile	V. Vibrations
4 (2)	Askere	Hollie Maia
5 (10)	Emi No Isi	Basil Greg
6 (5)	Data Tut	Festalight
7 (7)	A Mistake Awe	L. Kania
8 (6)	City Meri	Kanini Bros
9 (8)	Pinky Ponky	Darkends
10 (9)	10X Pekitona	Pongoros 93
11 (11)	Lukluk Tamavatur	Barike
12 (12)	Soldier Boy	Darkends
13 (18)	INono Peren	Jockboi/Wamsi
14 (16)	Rosie Lalokau	JT&Siule Hoods
15 (14)	Bihain Taim B/Ville	C.Survivors
16 (15)	No Compromise	M.Manimbi
17 (17)	Araua Pipi	Ovoru Harisu
18 (13)	Sauga Mei	Sauga Band
19 (19)	Josephine	L. Kania
20 (20)	Bena	Hitsy Golu

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.